



H. Goetz

zurkunfts Grottery

264.281.6


ԽՈՐՀԾՐԴԱՍԵՏԸ

ԱՐԲՈՅ

ՊԱՏԱՐԱԳԻՒՆ

ՀԱՅ ԱՐԱՐՈՂՈՒԹԵԱՆ ՀԱՅ ԱՍՏԱՆԵԱՅՅ
ԵԿԵՂԵՑԻՈՅ

Համեմատ օրինակին տպելոյ ի Հռովմ 1676



ՎԵՐԵՑԻԿ

ի ՎԱՆՍ ՍՐԵԲՐՆ ԴԱԶԱՐՈՒ

1885

11-21849 mel

11-21849

11-21849

11-21849

11-21849

11-21849



11-21849 mel



Արժան լիցին արքայութ եան
որբ աստ յաւէտ զնա խո կան :

ԺԱՄԱՄՈՒՏՔ

ըստ կարգի աշուրց պահոց

տօնից տերունականաց և ամենայն սրբոց :

Պահոց :

Որ ՚ի Հօրե առաքեցար փրկիչ և մարմնացար
՚ի Սուրբ Կուսէն, որ վասն մեր ՚ի յերկնից իջեր, և
լուսաւորեցեր զտիեզերս, զխաղաղութիւն քո տուր
մեզ տէր, որ խաղաղութեանց ես թագաւոր. զխա-
ղաղութիւն և զողորմութիւն, որ յամենայնի ես
դու կարօղ մարդասէր:

Չոքչշաբանի և Ռբութուն :

Որ ըստ ամենայն միտս անցանես, զխաղաղու-
թիւն քո Սստուած տուր մեզ հանաղազ՝ զքեզ
աղաւեմք:

Մարտերուաց :

Ի տաճարի սրբոց, և յիշատակի սրբոց մարտի-
րոսաց զձեւս համբառնալով աղաքեմք. բարեխօ-
սութեամք սոցա և աղօթիւք զկենդանութիւնո-
մեր խաղաղացն Սստուած՝ որպէս մարդասէր:

Ճգնաւորաց :

Ճգնաւորք Քրիստոսի, որը տանջանաց անօրինացն համբերեցիք, և զմոլութիւն կռոցն խափանեցիք, դասաւորեալք ընդ հրեշտակս 'ի յերկինս. որը ունիք զհամարձակութիւն 'ի Քրիստոսէ, բարեխօսեցէք կեցուցանել զանձինս մեր, զձեզ ազաւեմք:

Ալեւոչէն :

Միածին որդի և բանդ Աստուած և անմահ էութիւն, որ յանձն առեր մարմնանալ 'ի սրբուհւոյ աստուածածածնէն և 'ի միշտ կուսէն. անփոփոխելիդ մարդ եղեալխաչեցար Քրիստոս Աստուած. մահուամբդ զմահ կօխեցեր. մինդ 'ի սրբոյ Երրորդութենէն փառաւորակից ընդ Հօր և ընդ Սրբոյ Հոգւոյն, կեցն զմեզ:

Արեւանոսի :

Յնձաւ այսօր, ցնծաւ և զուարձացիք կաթուղիկէ սուրբ, յիշատակաւ սրբոյն Ստեփանոսի նախավկային Քրիստոսի վկացեցելց հօր. որ աղօթիք բանայր զերկինս, զար փակեաց ադամ, և հրեշտակերոյ տեսլեամբ տեսանէր զկերպարանն հօր 'ի կերպի ադամայ նստեալ յաթոռ փառաց. որ ըզբազմութիւն քարանցն որպէս զժազիկս հաւաքելով բոլորէր պսակս փոխանակ փշոցն և եղեգանն. և զմարաիրոսական արիւնն խառնէր ընդ փրկական արեանն Քրիստոսի հսուեցելցին 'ի կողէն. Վասն որոյ գերազանցեալ 'ի փառս առաւել քան զամենացն սուրբս՝ հայցեալ և մեզ 'ի վերնատուողէն զպարդես կենաց անվախանից՝ և զմեծ զողըմութիւն,

Արեւանոսի :

Յորովայնէ ընտրեալ սուրբ Ստեփանոս, յորովայնէ ընտրեալ սուրբ Ստեփանոս, վկայ Ճշմարիտ աւագելական քարոզութեանցն. որ 'ի վերայ անօրէն քարաձգողացն աղօթէիր առ Քրիստոս Աստուած՝ մի համարիք սոցա զայս 'ի մեզս. 'ի ձեռն սորին քարեխօսութեանն չնորհեալ մեզ զմեծ. քոզողըմութիւն:

Ծննդէան :

Աստուածածին անհարմանացեալ զքանն անսկիհղն յղացար, և զԱստուածն անխմանալին ծնար, զանպարագրելին 'ի զիրկս քո բարձեր, նմա անգաղագար բարեխոսեալ վասն անձանց մերոց:

Ծննդէան :

Աստուածածին զքեզ խստովանեալ երկրպագէ եկեղեցի ուղղափառաց. քանզի ուր քերովելքն բազմացեայք և աթոռք հրանիւթք և վեցթեան սերովելքն նայիլ մէ իշխէին, կրեցեր անսերմնապէս յանապականու մն 'ի յարգանդի քում 'որպէս ազախին զտէր, և ծնար որպէս մարդ զԱստուածն բոլորից զմարմնացեալն առ 'ի քէն՝ զանձառ զքանն, 'ի փրկութիւն աշխարհի և կեանք անձանց մերոց:

Ծննդէան :

Աղաւեմք զքեզ սուրբ Կոյս Մարիամ աստուածածին, բարձրելցին զօրութեամբն հովանաւորեալ, և սուրբ հոգւոյն եկաւորութեամբն լուսաւորեալ. որ զամենացն գոյութեանց զտեղծին

յղացեալ ծնար անձառապէս, մարմնացելոյն առ ՚ի
քէն բարեխօսեա կեցուցանել զանձինս մեր:

Ա. Ա. Հ. :

Ծերունին այսօր Աիմէովն՝ հոգւովն դայր ՚ի տա
չարն, երևելով քերովը էիցն վեհագոյն. որոց
թեօքն սաւաւանեալ ոչ իշխեին նայիլ ՚ի յահեղ
փառացն, սա ՚ի գիրկո իւր բարձեալ համբուրէր
համարձակապէս, և գդուեր որպէս զմանուկ, և
աղերսելով հայցէր արձակիլ ՚ի խաղաղութիւն:

Տ. Ա. Հ. :

Անսկզբնական բանդ Աստուած ՚ի վերջին ա-
ռուրս յանձն առեր լինել մարդ ՚ի կուսէն, և արա-
րիչդ յաւիտենից փակեցար ընդ ժամանակաւ.
սուրբ Տէր սրբութեանց, և անկարօտ մաքրու-
թեանց, եկիր ՚ի տաճարն քառասնօրեայ զօրինացն
կատարեցէր զարդարութիւն. զոր բարձեալ Աի-
մէովնի զանպարագրելիդ ՚ի գիրկո իւր՝ հայցէր. որ
արձակիչդ ես կապելոց՝ արձակեա զիս ՚ի խաղա-
ղութիւն: Վամն որսց ընդ ծերունոյն Աիմէովնի
վերագոյեմք առ քեզ Տէր. սուրբ սուրբ
Տէր զօրութեանց, լի են երկինք և երկիր փառօք
քո, ՚ի փրկութիւն մեզ՝ Քրիստոս Աստուած. փառք
քեզ:

Զ. Ա. Հ. :

Զօրական և վկայ Շմարիս՝ քաջ նահատակդ
Քրիստոսի Թէոդորոս, որ փոխանակեցէր զմար-
մինդ ընդ հոգւոյդ քում փրկանս, և ոչ ածեր
զմառաւ զսպառնալիսն Մաքսիմիանոսի թագաւորին.
այլ վերին ազգեցութեամբն՝ դիտելով զայրեցումն

հոգւոց նոցա, վասն այնորիկ լուցեր զտաձար կուոց
նոցա: Արդ՝ ՚ի յաղթող պատերազմի տօնողացս զօր
նահատակութեան քոյ՝ բարեխօսեա առ Տէր վասն
անձանց մերոց:

Ք. Ա. Հ. :

Գնալով փառաց քոց ՚ի փառս կաթուղիկէ ե-
կեղեցի, դիմեալք ՚ի Սեբաստիա վերին, ուր թա-
գաւորեալքն յԱստուծոյ նահատակին ՚ի յամծթ և
՚ի քարընկէց յերեսս բանսարկուին, քաջալերելով
զմիմեանս՝ զի մի լուծեալ ոք բաղանեօք անցաւո-
րիս՝ պակասեսցի. այլ դողալով առաքինաբար զինքն
ըղերձեալ յանիւս աստուածային գանձուցն հոլո-
վեցի, աղաղակելով առ Քրիստոս՝ ընկալ զորդե-
գրութիւն ժողովզոյ մերոյ ՚ի յոյս սիրողաց քոց.
տէր փառք քեզ:

Դ. Ա. Հ. :

Զ. Ա. Հ. զարու զննջումն որպէս կանխագէտ յառաջ
ասէիր, զի և ՚ի Բեթանիա յառաջէիր, զի յարուս-
ցես զիրելին քո. և քեզ գոյելով ասեմք՝ օրհնեալ
որ գաս ՚ի չարչարանս կամաւ Հօր ՚ի փրկութիւն
անձանց մերոց:

Ե. Ա. Հ. :

Յորժամ եկեալ կենարարն ՚ի գերեզմանն Ղա-
զարու, յորժամ եկեալ կենարարն ՚ի գերեզմանն
Ղազարու, աւետաւոր ձայնիւն աղաղակէր ասելով.
Ղազարէ, արի եկ արտաքս: Խոկ մեռեան ՚ի գերեզ-
մանէն յարեաւ. և նոյն ինքն զանմահութեան
պարգևսն ետ սիրելոյն. և աստուածային ձայնիւն
՚ի գերեզմանէն կոչեաց. վասն որոյ և մանկունք ե-

Քրայեցւոց՝ սստովք օրհնէին զանմահ թագաւորութիւն քո. ովաննա օրհնեալ է դալուստ քո՝ օրհնութիւն ՚ի բարձունս. օրհնեալ որ դալոցդ ես անուամբ Տեառն:

Ծ Աղաղաբերին:

Յնծա՛ Երուսաղէմ, և զարդարեա՛ զառագաստ քո Սիոն, քանզի ահա թագաւոր քո Քրիստոս նստեալ ՚ի յաւանակի նորոյ հեզութիւն ցուցանելով, և գայ մտանէ յառագաստ քո Սիոն. և մեք աղաղակեմբ՝ ովաննա օրհնեալ եկեալ ՚ի յանուն Տեառն, որ ունի զմեծ զողորմութիւն:

Զատկին:

Քրիստոս յարեաւ ՚ի մեռելոց, մահուամբ զմահ կոխեաց, և յարութեամբ իւրով մեզ կեանս պարգևեաց. նմա փառք յաւիտեանս. ամէն:

Յինանշն:

Ահաւոր և սքանչելի է խորհուրդ փրկութեան մերոյ. որ անսկիզբն ՚ի հօրէ անձառաբար՝ մարմնացաւ ՚ի կուսէն, խաչի համբերելով, և կամաւոր մահուամբ իւրով զիենդանութեան մեզ պարգևեաց չնորհս:

Յինանշն:

Քանզի յարեաւ ՚ի մեռելոց Քրիստոս Աստուած յաւիտենից արարիչ և յարութիւն ազդի մարդկան. զոր օրհնեն անդադար զիմուորութիւնք հըեշտակաց և ամենայն զուարթունք երկնից. ընդ որս գոչելով ասեմբ՝ փառք սոսկալի յարութեան քո Տէր:

Համբարչյան:

Հիացան վերնական բազմութիւնքն տեսանելով զքեղ ՚ի հըեղէն կառս բազմեալ՝ սարսկեալ ասէին, ով է սա՝ որ գիմեալ գայ յեղովմայ, և եկեալ մտանէ փառօք ՚ի փառս. Տէր փառք քեղ:

Համբարչյան:

Որ յանպատում յաթու նստիս և յանմարմնոց վերօրհնիս, անհասանելի բանդ Աստուած, ՚ի յերկրի երևեցար ճշմարիտ մարդ՝ զմնօրէնութեանն կատարեալ զխորհուրդ. խաչի և մահու համբերեցեր, և զհրաշալի զյարութիւնդ քո ցուցեր հզօր զօրութեամբ. այսօր համբարձար փառօք ՚ի յերկինս, և զկուսածին զմարմինդ քո հրաշափառապէս լուսազարդեցեր. զոր տեսեալ Եսայիհաս՝ նախաձայնեալ ասէր. ով է սա՝ որ գիմեալ գայ յերկրէ. հիացեալ պետութեանց երկնից՝ գոչեին առմիմեանս. համբարձէք իշխանք զգրունս ձեր՝ ՚ի վեր, և մոցէ թագաւոր փառաց. Այլ որ յամենայնի կարողդ ես և հզօր, շնորհեալ և մեզ հանդիպել քեղ ամպովք ՚ի միւսանգամ քո գալստեանդ, որ միայնդ ես մարդասէր:

Հոգւոյ գալստեան:

Աստուած զքեղ խոստովանիմք զսուրը հոգիդ և երկիրպագանեմբ. որ ես պատճառ կենդանութեան եղելոցս և խաղաղաբար աշխարհի. որ զորգիտութիւն աշակերտացն բազում գիտութեամբ լցեր. և ՚ի հըեղէն լեզուս բաժանեալ անձառելոք ցուցար նոցա. աղաղակեմբ՝ Տէր, ինսայեալ և կեցն զմեզ:

Երիուշաբենի :

Այսօր՝ ՚ի հրեղէն լեզուս բաժանեալ հանդեար յառաքեալսն լուսաւորելով զնոսա. և այժմ աղաւեմք զեղեղ սուրբ Աստուած, որ ես պատճառ կենդանութեան եղելոցս և խաղաղարար աշխարհի, խնայեալ և կեցն զմեզ:

Երեւաբենի :

Վասն որոյ և մեք զհոգին սուրբ ընդ հօր միաւորեալ, և ընդ որդւոյ միասնական խոստովանիմք. և հայցեմք՝ ՚ի վերնատուողէդ մեզ զհոգեորական զխաղաղութիւնդ. Տէր փառք քեզ:

Հոհեմեանց:

Որք ծագեցան մեզ յարեմտից որպէս զարեգակն, և լուսաւորեցին համանգամայն զաշխարհս հայաստանեայց, փարատեցին զխաւարն անդիտութեան կռապաշտութեան, և լուսաւորեցին զամենայն հոգի հաւատով աստուածագիտութեան. սոցա բարեխօսութեամբն Քրիստոս Աստուած, պարգեեալ աշխարհի քում զխաղաղութիւն, և անձանց մերոց զմեղաց զթողութիւն՝ որպէս մարդասէր Տէր:

Գայիանեանց:

Զյաղթական զձեր զհանդէս զուարձացեալ տօնէ եկեղեցի սուրբ. քանզի սրբութեամբ ստացայք զկուսութիւն, և ՚ի մարմնի զանմարմնոցն ցուցէք զհանդէս:

Կուսանաց :

Հարսնացեալք Քրիստոսի Երկնաւոր փեսային, դստելք վերին սիոնի, խնդրեցէք ՚ի Քրիստոսէ զհաշտութիւն և զմեծ զողորմութիւն:

Յակնանու մրտչն:

Զյառաջնիթացութիւն քո և զկարապետութիւն Աստուծոյ բանին խափանել կարծելով, որ ՚ի ձեռն կնոջն զնախաստեղծն ՚ի գրախտէն արտաքս ընկէց, նաև այժմ զհելովդիազա անօրէնութեամբ բորբոքեալ, և բազմելոցն հերովդիայ՝ զկաքաւս ոտից աղջկանն հաճոյացոյց, զի զքոյդ հատցէ զգլուխ, որ զամենեցուն ձեռնազբեցեր զգըլուին զՔրիստոս: Ա.Հ. դու, որ յանապատէ բարբառոյ ձայն, գուեա որում ձեռնազբեցեր, պարզեել զխաղաղութիւն և զմեծ զողորմութիւն:

Մարդաբեից:

Տէր՝ որ հիմնեցուցեր զեկեղեցի քո՝ ՚ի վերայ վիմն հաւատով, և կարգեցեր ՚ի սմա առաքեալս՝ և մարդարէս, հովիւս և վարդապետ՝ առ ՚ի հաստատութիւն սրբոց. և ճգնութեամբ վկայից զթշնամին սորա վանեցեր. ՚ի խաղաղութեան զսա պահեալ Աստուած որպէս մարդասէր:

Առաջելոց:

Առաքեալք և վկայք Քրիստոսի Աստուծոյ, ամենակալ հոգւոյն զօրութեամբն զամենեսեան ընդհանուր յորդէգրութիւն կենաց կոչելով միամնական սուրբ Երրորդութեանն յորդորեցին Երգել փառս ՚ի յաւիտեանս. ամէն:

Հայրապետաց :

Զհայրապետականն զարդարեցեր զաթոռ՝ ի յերկրի, առաքելական առեր զպատիւ յերկնուստ՝ ծառայ Քրիստոսի ով երանելոդ՝ ի հարս սուրբ հայրապետ. քանզի քոյ վարդապետութեանդ սերմանք՝ բարեպաշտութեան բուսուցին հասկս, ուրախութեան պառող հատուցանելով. վասն որոյ բարեխօսեալ առ Տէր վասն անձանց մերոց:

Եկեղեցայ :

Զիսաղաղութիւն չնորհեալ եկեղեցւոյ քում սրբոյ, զիսաղաղութիւն և զանշարժութիւն՝ ի թըշնամեաց պատերազմէ. և հաստատեալ՝ ի մի հաւատ զկաթուղիկէ եկեղեցի. զքեզ խոստովանիմք Տէր և Աստուած, կեցու զմեզ:

Վարդաչափնեալ :

Երեխ Տէր այսօր աշակերտացն՝ ի թաքօրական լերինն, և աշակերտացն զարհուրեալ աղաղակէին ասելով, արասցուք երիս տաղաւարս, մի Տեառն, և մի Մովսէսի, և մի Եղիայի: Եւ մեք բանաւոր հօտքս երգեմք ընդ քո ճշմարիտ վկայիցդ. առաքեալ՝ ի մեզ զլոյս քո չնորհացդ՝ ի քոյ միւսանդամ գալստեանդ, և կեցու:

Խոչլի :

Առաջի պատուական ամենայաղթ խաչի քո անկանիմք երկրպագելով, և իննդրեմք զթողութիւն յանցանաց մերոց. քանզի սովաւ բարձեր զգատապարտութիւն ազգի մարդկան: Եւ այժմ վասն

սրբոյ աստուածային քոյ նշանի՝ չնորհեալ զերկնային զիսաղաղութիւնդ ամենայն աշխարհի:

Ուժուացն որոտման :

Այսօր ահաւոր ձայնք որոտման հնչեցին յերկնից՝ ի յերկիր՝ կուելով յորդեգրութիւն զձեզ որդիք սիովիսի, հաստատութիւն հաւատոյ, և պարձանք եկեղեցւոյ. որք ցողով արեան ձերոյ՝ մաքրեցիք զտիեզերս յանօրէն կռապաշտութեանց: Արդ՝ հայցեցէք՝ ի Քրիստոսէ զքաւութիւն տօնողացս անուան ձերոյ: Աղղթանօք սոցա Տէր ինայեալ՝ ի փրկեալ քո ժողովուրդս, որ միայնդ ես մարդասէր:

Հրեշտակայ :

Զոր օրհնեն անլուելի ձայնիւ իմանալի զօրութիւնք, երկնաւոր նահապետութիւնք, հրեշտակք և հրեշտակապեաք, ամեսոք և տէրութիւնք, իշխանութիւնք և պետութիւնք, սերովլուք և քերովլուք զամենաստուրք զերբորդութիւնն, և զմի աստուածութիւն:

Հրեշտակայ :

Այսօր երկրաւորս եկեղեցւոյ քահանայապետութիւն ցնծայ հրաշափառապէս՝ զերկնաւոր քահանայապետութեանցն կատարելով զտօնախմբութեան տօնս, անմարմնական դասուց հոգեղինացդ՝ մարմնականքս և հողեղինքս. ով սուրբ Գաբրիէլ և Միքայէլ մեծք, հրեշտակապետք բարձրելոյն, որք կայք առաջի աթոռոյ աստուածութեանն, անդադար բարեխօս լերուք վասն մեր առ Տէր, վերաբերել զամենեսեան ընդ ձեզ յերկնից արքայութիւնն, և միաձայն բարբառով երգել զիառս:

ՊՐԻՒՐԵԼ ՀԱՅԱՍՏԱՆԻ ՀԱՅԱՍՏԱՆԻ :

Գրիգոր սուրբ քահանայապետ, որ զհաւատոս ու սուցեր, և զբանակս դիւացն հալածեցեր, մարդկան ուսուցեր քարոզել զերրորդութիւնն, պատկեցար յարքայութեանն, արդ բարեխօս լեր առ Տէր վասն մեր:

ԵՐԵՄ ՀԱՅԱՍՏԱՆԻ :

Որ 'ի վերայ քերովը էիցն հանգչիս, և 'ի զօրացն հրեղինաց օրհնաբանիս, իջեր 'ի բաբելոն, և փըրկեցեր զերիս մանկունսն 'ի հրոյն բռնութենէ. ովք աղաղակելով գոչէին երգ նոր՝ Ամենայն գործք օրհնեցէր և բարձր արարէք: Թագաւոր փառաց Քրիստոս և արարիչ բոլորից, որ մարդասիրապէս գթացար 'ի սուրբ մանկունսն, փրկեցեր 'ի բորբոքեալ բոցոյն. ուրբ անարդեցին զըռնութիւն թագաւորին, և շիջուցին զզօրութիւն հրոյն. ընդ նոսին և մեք քեզ վերագոչէմք, փրկեալ զմեզ 'ի հրոյն յաւիտենից. զի դու միայն ես բազմագութ Տէր. քեզ փառք յաւիտեանս. ամէն:

ՕՐԵՆՔ ԱՐԿԱՆԵԼՈՅ

ՍՊԱԾ ԵԿԵՂԵՑԻՈՅ

Յորժամ կամիցի քահանայն պատարագ մատուցանել, պարտ և այսպէս խորհրդաբար զգեստաւորիլ:

Մացե յաւանդառունեն, հանդերձ սարկաւագրեն, ուր զգեստընեն պատարագի: Եւ զգեցեալ պաշտօնեկիցն ըստ իրարանցից աստիճանի, ասացնեն ազւ սաշմու. ձն:

ԿԵՐՏ :

Քահանայք քո զգեցցին զարդարութիւն, և սուրբք քո ցնծալով ցնծասցեն:

ՓՈՒ :

Յիշեալ Տէր զԴաւիթ, և զամենայն հեզութիւն նորա:

Որպէս երդուաւ Տէառն, և ուխտս եղ Աստուծոյ Յակովը:

Թէ ոչ մտից 'ի յարկս տան իմոց, եթէ ելից յանկողինս մահճաց իմոց:

Թէ տաց քուն աշաց իմոց, կամ նինջ արտեանաց իմոց, կամ հանգիստ իրանաց իմոց, մինչև գտից զտեղի յարկի Տէառն Աստուծոյ Յակովը:

Ահա լուաք զնմանէ յեփրաթայ. և գտաք զնա 'ի դաշտս մայրեաց:

Մացուք 'ի յարկս նորա. երկիր պագցուք 'ի տեղով ուր կացեալ են ոտք նորա:

Արի՛ Տէր 'ի հանգիստ քո, դու և տապանակ կտակի սրբութեան քոյ:

Երիցունք քո զգեցցին զարդարութիւն, և սուրբք
քո յնծալով յնծասցեն:

Վասն Դաւթի սիրելոյ քոյ, մի դարձուցաներ
զելեսս քո յօծելոյ քումմէ:

Երդուաւ Տէր Դաւթի ձշմարտութեամք, և ոչ
սուեաց նմա. 'ի պտղոյ որովայնի քոյ նստուցից յա-
թոռ քո:

Թէ պահեացեն որդիք քո զօրէնս իմ և զվկա-
յութիւնս իմ՝ զոր ուսուցից նոցա:

Որդիք նոցա նստուցին յաւիտեանս յաւիտենից
յաթոռ քո:

Հաճեցաւ Տէր ընդ Ախովն, և ընտրեաց բնակել
'ի նմա. ասէ՝ այս է հանգիստ իմ յաւիտեանս յա-
ւիտենից, 'ի սմա բնակեցայց՝ զի հաճեցայ ընդ սա:

Զայրիս սորա օրհնելով օրհնեցից, և զաղքատս
սորա լուուցից հացիւ:

Քահանայից սորա զգեցուցից զփրկութիւն, և
սուրբք սորա յնծալով յնծասցեն:

Անդ ծագեցից զեղծիւր Դաւթի, պատրաստ ա-
րարից զձրագ օծելոյ իմց:

Թշնամեաց նորա զգեցուցից զամօթ, այլ՝ 'ի վե-
րայ նորա ծաղկեացի սրբութիւն իմ:

Փառք Հօր և Որդւոյ և Հոգւոյն սրբոյ:

Ե- բարողէնցէ սարիաւագնն:

Եւ ևս խաղաղութեան զՏէր աղաշեսցուք:
Խնդրեցուք հաւատով միաբանութեամք՝ 'ի
Տեառնե, զի զողորմութեան զշնորհս իւր արասցէ
'ի վերայ մեր: Ամենակալ Տէր Սպտուած մեր կեցո
և ողորմեա:

Ե- սասայէն Երիոդասան:

Տէր ողորմեա:

Ե- բահանայն սասայէն հաղթեն:

Որ զգեցեալ ես վզյս որպէս զհանդերձ, Տէր
մեր Յիսուս Քրիստոս, անձառակելի խոնարհութեամք
'ի յերկրի երեւցար, և ընդ մարդկան շրջեցար:
Որ եղեր քահանայապետ յաւիտենից ըստ կարգին
Մելքիսեդեկի, և զարդարեցեր զեկեղեցի քո
սուրբք, Տէր ամենակալ, որ պարգևեցեր մեզ զնոյն
զերկնային հանդերձ զգենուլ արժանի արա և զիս
'ի ժամուս յայսմիկ զանպիտան ծառայս քո, որ հա-
մարձակիմ և մերձենամ 'ի նոյն հոգեւոր պաշտօն
փառաց քոց: Որպէս զի զամենայն ամբարշտու-
թիւնս մերկացայց, որք են հանդերձք պղծու-
թեան, և զարդարեցայց լուսով քով: Ընկեալ յինէն
զչարիս իմ, և թօթափեա զյանցանս իմ: որպէս զի
արժանի եղեց հանդերձելոյ լուսոյդ առ 'ի քէն:
Շնորհէա ինձ քահանայական փառօք մնանել 'ի
պաշտօն սրբութեանց քոց ընդ այնոսիկ՝ որք անմե-
ղութեամք պահեցին զպատուիրանս քո: Զի և ես
պատրաստ գտայց երինաւոր առագաստիդ ընդ ի-
մաստուն կուսանսն փառաւորել զքեզ Քրիստոս, որ
բարձեր զմեղս ամենեցուն, զի դու ես սրբութիւն
անձանց մերոց: և քեզ բարերարիդ Ամտուծոյ
վայելէ փառք իշխանութիւն և պատիւ, այժմ և
միշտ և յաւիտեանս յաւիտենից. Ամէն:

Ե- մատուցեալ սարկաւագունքն զգեցուցեն նմա
զհանդերձն սարմակով:

Ե- դիցէ յառաջ զիսցին 'ի գլուխն, և սասայէ:

Դիր Տէր սաղաւարտ փրկութեան 'ի գլուխ իմ,
պատերազմել ընդ զօրութիւնս թշնամոյն: Շնոր-

Հօք Տեառն մերոյ Յիսուսի Քրիստոսի, որում վայելէ փառք, իշխանութիւն և պատիւ, այժմ և միշտ և յաւիտեանս յաւիտենից. Ամէն:

Կաղէին :

Զգեցո ինձ Տէր հանդերձ փրկութեան և պատմութան ուրախութեան, և շուրջ պատեա զգեստովս փրկութեան: Շնորհօք Տեառն մերոյ Յիսուսի Քրիստոսի:

Գոտեոյն :

Շուրջ պատեսցէ կամար հաւատոյ զմէջս սրտի իմոյ և մտացս, և շիջուսցէ 'ի սոցանէ զխորհուրդս աղտեղիս. և զօրութիւն շնորհաց քոյ յամենայն ժամ բնակեսցէ 'ի սոսա: Շնորհօք Տեառն մերոյ Յիսուսի Քրիստոսի:

Բաղդանին :

Տուր Տէր զօրութիւն ձեռին իմոյ, և լուա զամենայն աղտեղութիւնս իմ, որպէս զի կարօղ լինիցիմ սպասաւորել քեզ անսախտութեամբ հոգւոյ և մարմոյ: Շնորհօք Տեառն մերոյ Յիսուսի Քրիստոսի:

Ուբարին :

Զգեցո Տէր պարանոցի իմոյ զարդարութիւն, և սրբեա զսիրտ իմ յամենայն աղտեղութիւնէ մեղաց: Շնորհօք Տեառն մերոյ Յիսուսի Քրիստոսի:

Նստորին, որ է շուրջառն :

Տէր՝ ողորմութեամբ քով զգեցո ինձ զգեստ

պայծառ, և պարսպեա ընդգեմ ներգործութեան չարին, զի արժանի եղեց փառաւորել զքո փատաւորեալ անունդ: Շնորհօք Տեառն մերոյ Յիսուսի Քրիստոսի:

Յէր զգեստաւորելոյ որբանան զգեստունո՞ւ առէ:

Ցնծասցէ անձն իմ'ի Տէր, զի զգեցոյց ինձ հանդերձ փրկութեան և պատմութան ուրախութեան: Եթե փեսայի եդ ինձ պսակ, և որպէս զշարսն զարդու զարդարեաց զիս: Շնորհօք Տեառն մերոյ Յիսուսի Քրիստոսի:

ՅԵԺ ԶԳԵՆՀՈՅՑ

ՍՐԲՈՒԹԵԱՆ ԶԳԵՍՏՈՒՑՆ

եկեղեցն առաջի պրոյ սեղանոյն

Եւ բանահայե բանացե զձեռու առերվ Ապդմոս Իւ:

**Լուացից սրբութեամբ զձեռոս իմ, և շուրջ եղէց
զմեղանով քո Տէր:**

Ապէտագն:

Դատ արա ինձ Տէր, զի ես յամբեծութեան. և այլն:

Տուն առ առուն պատին՝ ի լման:

Քահանայն:

**Եւ վասն սրբուհւոյ Աստուածածնին՝ Տէր ըն-
կալ զաղացանս մեր, և կեցո զմեզ:**

Ապէտագն:

**Սուրբ զԱստուածածինն և զամենայն սուրբս
բարեխօս արասցուք առ հայր՝ ի յերկինս, զի կա-
մեցեալ ողորմեսցի, և գլւացեալ կեցուացէ զարա-
րածս իւր: Ամենակալ տէր Աստուած մեր կեցո
և ողորմեա:**



Քբահանայն :

Ընկալ Տէր զաղաքանս մեր բարեխօսութեամբ
սուրբ Աստուածածնին անարատ ծնողի միաձնի
որդւոյ քոյ, և աղաքանօք ամենայն սրբոց քոց, (և
որոց այսօր է յիշատակ). լուր մեզ Տէր և ողորմեա,
ներեա, քաւեա, և թմզ զմեզս մեր: Արժանաւու-
րեա գոհութեամբ փառաւորել զբեզ ընդ որդւոյ
և ընդ սուրբ հոգւոյդ. այժմ և միշտ և յաւիտեանս
յաւիտենից. Ամէն:

Եւ ապա խնարնեալ պատարագիչ քահանայն առաջի
այլոց քահանայիցն առլերեր կացելոցն առե:

Խոստովանիմ առաջի Աստուծոյ և սրբուհոյ
Աստուածածնին, և առաջի ամենայն սրբոց. և ա-
ռաջի ձեր՝ հարք և եղաբք, զամենայն մեզս զոր
գործեալ եմ: Քանզի մեղայ խորհրդով, բանիւ
և գործով, և ամենայն մեղօք՝ զոր գործեն մար-
դիկ. մեղայ, մեղայ: Աղաւեմզմեզ՝ խնդրեցէք վասն
իմ յԱստուծոյ զթողութիւն:

Պատասխանեն որք մէրչն էն:

Ողորմեսցի քեզ Աստուած հզօրն, և թողու-
թիւն չնորհեսցէ ամենայն յանցանաց քոց, անցե-
լցն և այժմուս. և յառաջիկայէն փրկիսցէ զբեզ,
և հաստատեսցէ յամենայն գործս բարիս, և հան-
գուսցէ զբեզ՚ի հանդերձեալ կեանս. Ամէն:

Պատասխանեսցէ և ինչն:

Աղատեսցէ և զձեզ մարդասէրն Աստուած, և
թողցէ զամենայն յանցանս ձեր: Տացէ ժամանակ

ապաշխարելոյ և գործելոյ զըարիս: Ուղղեսցէ և զա-
ռաջիկայ կեանս ձեր՝ չնորհօք սուրբ հոգւոյն հզօրն
և ողորմածն, և նմա փառք յաւիտեանս. Ամէն:

Դպիբրն:

Յիշեսջիր զմեզ առաջի անմահ գառին Աստուծոյ:

Քբահանայն:

Յիշեալ լիջիք առաջի անմահ գառին Աստուծոյ:

Դպիբրն: Ասդմա զիւ . ֆոխ:

Աղաղակեցէք առ Տէր ամենայն երկիր, և այլն:

Ասբէտագն ժաբուլ:

Սուրբ եկեղեցեաւս աղաւեսցուք զՏէր, զի տո-
վաւ փրկեսցէ զմեզ՚ի մեղաց, և կեցուսցէ չնորհիւ-
ողորմութեան իւրոյ. ամենակալ տէր Աստուած
մեր կեցո և ողորմեա:

Քբահանայն:

Ի մէջ տաճարիս և առաջի աստուածընկալ և
պայծառացեալ սուրբ նշանացս և սուրբ տեղւոյս,
խոնարհեալ երկիւղիւ երկիր պագանեմք, զուրբ,
զհրաշալի և զյաղթօղ զտէրութիւնդ քո օրհնեմք
և փառաւորեմք: Եւ քեզ մատուցանեմք զօրհնու-
թիւն և զփառս ընդ հօր և ընդ հոգւոյդ սրբոյ.
այժմ և միշտ և յաւիտեանս յաւիտենից. Ամէն:

Քահանայն . սաղ . իւն .

Կյուր :

Մտից առաջի սեղանոյ , և այն :

Փռի :

Դատ արա ինձ Աստուած , և այն :

Տուն առ պուն զդոխն 'ի լման :

Եւ ևս խաղաղութեան զջէր աղաչեսցուք :

Օրհնեսցուք զհայրն տեառն մերց Յիսուսի Քրիստոսի , որ արժանի արար զմեզ կալ 'ի տեղւոջ փառաբանութեան , և երգել զերգս հոգեորս . ամենակալ տէր Աստուած մեր կեցո և ողօրմեա :

Քահանայն :

Ի յարկի սրբութեան և 'ի տեղւոջ փառաբանութեան , հրեշտակաց բնակարանիս և մարդկան քաւարանիս , առաջի աստուածընկալ և պայծառացեալ սուրբ նշանացս և սուրբ սեղանոյս խոնարհեալ երկիւղիւ երկիր պատճանեմք . զսուրբ , զհրաշալի և զյաղթօղ զյարութիւնդ քո օրհնեմք և փառաւորեմք . և քեզ մատուցանեմք զօրհնութիւն և զփառս ընդ հօր և ընդ հոգւոյդ սրբոյ . այժմ և միշտ և յաւիտեանս յաւիտենից . Ամէն :

Իսկ երե և սպիտակուու լիցի խորհրդածուն , առցէ զաւրբ կոնցին , և ածցէ 'ի վերայ լանչացն և զպատուական և միխուրնն , և և կենցեն առքներ լնծայսարան սեղանոյն , լուացեալ զձես :

Եւ մատուցեալ առաջ սեղանոյն , լուս և անմառնէ առաց զայօրս առ առցէ հողին տիօրինիչ գործոյն :

Ամենակալ բարերար մարդասէր Աստուած բոլորից , յօրինող երկութից և աներեւութից , փըրկող և հաստատող , ինամօղ և խաղաղարար , հօր հզօր հոգի . հայցեմք բազկատարած մաղթանաց գուշմամք հեծութեան՝ յանդիման եղեալ քեզ ահաւորիդ : Մատչիմք մեծաւ դողութեամք , սաստիկ երկիւղիւ , մատուցանելնախ զբանականս զայս պատարագ՝ քում անզնին զօրութեանդ , իբր աթոռակցի փառակցի և արարչակցի՝ հայրենին անկապուտ պատուոյդ , և քննողի ծածկութեան խորոց խորհրդոց՝ ամենակատար կամաց հօրդ Եմմանուէլի՝ զքեզ առաքչի , փրկի և կենդանատուի և արարչի ամենայնի : Ի ձեռն քոյ ծանուցաւ մեզ երբեակ անձնաւորութիւն միամսնական աստուածութեանդ , յորոց միւ և գու ձանաչիս անհաս : Քև և 'ի ձեռն քո՝ առաջինքն նահապետական տոհմին շառաւիղք՝ տեսանողք անուանակութեալք , զանցեալն և զգալոցն անստուերաբար բարբառով բանի վերապատմեցին . հոգի Աստուծոյ քարոզեալ զքեզ Մովսէսի , որ 'ի գնան քո 'ի վերայ ջրոցն անպարագիր զօրութիւն , ահեղ շրջարկութեամբ տածողականաւ , թեապարփակ պաշտպանողօրէն գթասիրեալ 'ի ծնունդս նորոգս՝ զաւազանին խորհուրդ ծանուցեր : Յոր կերպարան օրինակութեան՝ նախ քան զկառուցանել զլցծդ մածուած վերջնում վարագուրիդ , յօրինեցեր կարօղ տիրապէս

զբովանդակ բնութիւնս ամենից բնաւից բոլորից գոյից ամենայն էից՝ յանէից։ Քև ստեղծանին՝ նորոգութիւն յարութեան ամենայն եղեալքս առ՝ ի քէն, յայնմ ժամանակի՝ որ է օր վերջին այսմ կենցաղի, և օր առաջին՝ երկրին կենդանեաց։ Քեզ հնազանդեցաւ միութեամբ կամացն որպէս հօրն իւրում, ազգակիցն քո՝ էակիցն հօր անդրանիկն որդի՝ մերովս կերպիւ։ զբեզ աւետարանեաց ձմարիտ Աստուած՝ հաւասար և համագոյ հօր իւր հզօրի։ և զառ՝ ի քեզ հայհցութիւնն՝ անքաւելի քարոզեաց, և իբր զաստուածամարտիցն՝ զքո հետաելոցն չարբանական բերանս կարկեաց. և զիւրն չնորհեաց՝ արդարն և անարամն դտին ամենայնի. որ վասն մեղաց մերոց մատնեցաւ, և յարեւաւ վասն զմեզ արդարացուցանելը։ Ամա փառք՝ ի ձեռն քո, և քեզ բարեբանութիւն ընդ հօր ամենակալի, յաւիտենից յաւիտեանս։ Ամէն։

Դարձեալ կրկնեացի ՚ի նոյն կարգ բանի, մինչև վասահորիւնն լուսոյ նրաշապէս յայտեացի ազդեալ աշետարանել վիրտուն զիրկին խաղաղորիւն։

Ազաշեմք և աղերսեմք արտասուալից հառաջ մամբ յամենայն անձնէ՝ զիառաւորեալ արարըութիւնդ, անեղծ և անստեղծ, անժամանակ հոգւոյդ գթածի, որ բարեխոսդ ես վասն մեր յանմուռն չեծութիւնս՝ առ ողբրմածդ հայր, որ զսուրբս պահես և զմեղուցեալս մաքրես, և տաճարս կազմես կենդանի և կեցուցիչ կամաց բարձրեալդ հօր։ Արդ՝ աղատեա զմեզ յամենայն անմաքուր գործոց, որ ոչ է հածոյ քումդ բնակութեան. և մի շինցին առ՝ ի մէնջ՝ լուսոյդ չնորհաց փայլմունք՝ ի տեսաւ կանացս աշաց իմստից. վասն զի զբեզ ուսաք միանալ՝ ի մեզ՝ ի ձեռն աղօթից և ընտիր վարուց

խնկելոց։ Եւ քանզի մինդ յերրորդութենէդ պատարագի, և միւսդ ընդունի՝ հաճեալ ընդ մեզ հաշտարար արեամբ անդրանկի իւրոյ, իսկ դու ընկալցիս զմեր պաղատանս, և յարդարեսցես զմեզ օթեվանս պատուականս ամենայն պատրաստութեամբ՝ ի վայելումն ձաշակման երկնաւոր գառինդ, առանց պատժոց դատապարտութեան ընդունել զայս անմահացուցիչ մանանայս կենաց նորոյ փրկութեանն։ Եւ հալեսցի՝ ի հրցս յայսմանէ գայթակղութիւնս մեր, որպէս մարգարէին կենդանախարոյկ կայծակամբն՝ ի ձեռն ունելեացն մատուցման. զի ամենայնի քոյդ քարոզեսցի գթութիւն, որպէս որդւովկդ Աստուծոյ՝ հօր քաղցրութիւն. որ զանառակ որդին մերձեցոյ ՚ի հայրենի ժառանգուութիւնն, և զպունիկսն յառաջեցոյ յերկնային արքայութիւնն՝ արդարոցն երանութեան։ Այս, այս, և ես մի եմ՝ ի նոցանէ, և զիս ընկալ ընդ նոսին, իբր մարգասիրութեան կալութեալ մեծի, չնորհօք քո ապրեալ, զարեամբ Քրիստոսի ստացեալս։ Զի յայսմ ամենայնի՝ յամենայնի ծանիցի քո աստուածութիւնդ, ընդ հօր փառաւորեալ համապատուաթար ՚ի մի կամա, և ՚ի մի իշխանութիւն գովութեան։

Ի Հայն։

Զի քո է գթութիւն և կարողութիւն և մարդարակիրութիւն, զօրութիւն և փառք, յաւիտեանս յաւիտենից։ Ամէն։

Ազա յարոցեալ եկեցէ ու բնաւարան սեղանոյն, ու որ մատուցեալ եախառարկարագն զեշխարին, զոր տեսալ բանանայն դիցէ ՚ի մաղմայն, ասկով։

Յիշատակ Տեառն մերոյ Յիսուսի Քրիստոսի։

Եւ առևազ զգինին արկցէ խաչանիլ՝ ի սկին։ Նոյնպէս և սակայի մի չուր արկցէ, առեղով։

Յաղագս յիշատակի փրկագործ տնօրէնութեան տեառն Աստուծոյ, և փրկչն մերոյ Յիսուսի Քրիստոսի։

Եւ ասացէ զադօրս՝ ի ծածուկ՝ Յովհաննու Ռոկերեսնին։

Աստուած Աստուած մեր, որ զերկնաւոր հացդ, զտէր մեր Յիսուս Քրիստոս, զկերակուրդ ամենայն աշխարհի՝ առաքեցեր փրկիչ և կեցուցիչ և բարերար, օրհնել և սրբել զմեզ։ Խնդնին դու Տէր օրհնեա և այժմ զառաջադրութիւնս զայս։ Ընկալ զսա յերկնային քո սեղանդ։ Յիշեա որպէս բարերար և մարդասէր զմատուցողս, և վասն որոց մատուցանի։ Եւ զմեզ անդատապարտ պահեա ՚ի քահանայագործութիւն աստուածային խորհրդոց քոց։ Զի սուրբ և փառաւոր է ամենապատիւ մեծ վայելութիւն փառացդ հօր և որդւոյ և հոգւոյդ սրբոյ, այժմ և միշտ և յաւիտեանս յաւիտենից։ Ամէն։

Եւ սկզբանցէ ասէլով։

Տէր թագաւորեաց, զվայելութիւն. և այն։

Եւ արիցէ իրանի ասէլով։

Խունկ մատուցանեմ առաջի քո Քրիստոս Աստուած՝ բուրումն հոգեւորական։ Ընկալ՝ ի սուրբ յերկնային և յիմանալի քո մատուցարանդ՝ ՚ի հոտ անուշից։ Առաքեա առ մեզ փոխարէն զշնորհս և զպարգես հոգւոյդ սրբոյ։ Եւ քեզ մատուցանեմք զփառս ընդ հօր և ընդ հոգւոյդ սրբոյ, այժմ և միշտ և յաւիտեանս յաւիտենից։ Ամէն։

Եւ երիցս երկրպագեալ քահանայն, համբուրեսցէ զնդանե։ Եւ սարկագե կացեալ ՚ի մէջ տաձարին, ձայնեացէ ասերով։

Օրհնեա տէր։

Եւ ժահանայն՝ ՚ի չայն ասասցէ։

Օրհնեալ թագաւորութիւնն Հօր և Որդւոյ և Հոգւոյն սրբոյ, այժմ և միշտ և յաւիտեանս յաւիտենից։ Ամէն։

Եւ սկսին այլ եկեղեցականքն ժամանուա բառ պատշաճի առողջին։

Եւ յաւարտման երգոյն քարոզէ սարկագե։

Եւ ևս խաղաղութեան զտէր աղաչեացուք։

Ժողովութիւն։ Տէր ողորմեա։

Սարհաւագն։ Կեցո և ողորմեա։

Ժողովութիւն։ Կեցո տէր։

Սարհաւագն։ Օրհնեա տէր։

Եւ ժահանայն ասասցէ զայօն։

Տէր Աստուած մեր, որոյ կարողութիւնդ անքնին է և փառքդ անհամանելի, որոյ ողորմութիւնդ անչափ է և գթութիւնդ անբաւ. գուշտ առատ մարդասիրութեան քում, նայեա ՚ի ժողովուրդս քո և ՚ի տաճարս յայս սուրբ. և արալնդ մեզ և ընդ աղօթակիցս մեր առատապէս զողորմութիւն քո և զգթութիւն։ Զի քեզ վայելց փառք իշխանութիւն և պատիւ, այժմ և միշտ և յաւիտեանս յաւիտենից։ Ամէն։

Քահանային աստացէ Խորհրդաբար :

Տէր Աստուած մեր, կեցո զժողովուրդս քո, և
օրհնեա զժառանգութիւնս քո, զլումն եկեղեցւոյ
քո պահեա. սրբեա զսոսա՝ որք ողջունեցին սիրով
զվայելըութիւն տան քոյ: Դու զմեզ փառաւորեա
աստուածային զօրութեամբ քով, և մի թողուր
զյուսացեալքս 'ի քեզ: Զի քո է կարողութիւն և
զօրութիւն և փառք, այժմ և միշտ և յաւիտեանս
յաւիտենից. Ամէն:

Խաղաղութիւն Ք ամենեցուն:

Որ հասարակաց զայս և միաձայն մեզ ամենե-
ցուն ուսուցեր աղօթել և զերկուց և զերից միա-
ձայնելց յանուն քո զինդրուածս պարզելի խոս-
տացալ, դու և այժմ զժառայից քոց խնդրուածս՝
առ 'ի յօդուտն կատարեա, չնորհելով յայսմ յա-
ւիտենիս զգիտութիւն քումդ ճշմարտութեան, և
'ի հանդերձեալն զկեանսն յաւիտենականան պար-
զելով: Զի բարեբար և մարդասէր ես Աստուած,
և քեզ վայելէ փառք, իշխանութիւն և պատիւ,
այժմ և միշտ և յաւիտեանս յաւիտենից. Ամէն:

Եւ սպա սասացի շարական լսու պատշաճի առորին
Եւ 'ի միջին տաճն երրիցեև առաջի բևմին, և երկրպացցեև
երից:

Եւ Քահանային աստացէ ղաղօթն:

Տէր Աստուած մեր, որ կարգեցեր յերկինս ըզ-
դասս և զինուորութիւնս հրեշտակաց և հրեշտա-
կագետաց 'ի սպասաւորութիւն փառաց քոյ, արա
այժմը մնաւոս մեր մտանել և սրբոց հրեշտակաց,

և լինել պաշտօնակից մեզ և փառաբանակից քումդ
քարերարութեան:

Ի չայն:

Զի քո է կարողութիւն և զօրութիւն և փառք
յաւիտեանս. Ամէն:

Եւ համբարձնացեն զարանն, և յաւարաւան շարականին
գոյնացէ սարկացան:

Պռօսիսումիշ:

Եւ աստացէն ղերեհուբեանն չայնին:

Սուրբ Աստուած, սուրբ և հզօր, սուրբ և ան-
մահ, ողօրմեա մեզ:

Եւ Քահանային զոյժ «մին աստացէ 'ի ծածռ-է ղաղօթն»:

Աստուած սուրբ, որ 'ի սուրբս հանգուցեալես,
և երեխութեան ձայնիւ սերոբեք գովեն զքեզ, և
քերոբեք փառաբանեն, և ամենայն երկնային զօ-
րութիւնքն քեզ երկիր պագանեն. որ 'ի չգոյէ 'ի
գոյ ածեր զամենայն արարածս. որ արարեր ըզ-
մարդն ըստ պատկերի քում և նմանութեան, և
ամենայն չնորհիւ քով զնա զարդարեցեր, և ուսու-
ցել խնդրել զիմաստութիւն և զզգօնութիւն. և
ոչ անտես արարեր զմեզուցեալն, այլ եղեր 'ի վե-
րայ նորա զապաշխարութիւն փրկութեան. որ ար-
ժանի արարեր զմեզ զնուաստացեալ և զանարժան
ծառայքս քո 'ի ժամանս յայսմիկ կալ առաջի փա-
ռաց սրբութեան սեղանոյ քոյ, և զօրինաւոր եր-
կըրպագութիւն և զիմաստանութիւն մատուցա-
նելքեզ. դու Տէր ընկալ 'ի բերանոյ մեղաւորացս

զերեքսրբեան օրհնութիւնս, և պահեա զմեզ քոյ
յին քաղցրութեամբ: Թող մեզ զամենայն յան-
ցանս մեր՝ զկամայ և զակամայ: Սրբեա զհոգի, զմիտս
և զմարմինս մեր, և շնորհեա 'ի սրբութեան պաշ-
տել զբեզ զամենայն աւուրս կենոց մերոց. բարե-
խօսութեամբ սրբուհուց Աստուածածնին և ամե-
նայն սրբոց քոյ, որք յաւիտենից քեզ բարեհաճո-
յացան: Զի սուրբ ես տէր Աստուած մեր, և քեզ
վայելց փառք, իշխանութիւն և պատիւ, այժմ և
միշտ և յաւիտեանս յաւիտենից. Ամէն:

Եւ սարէաւագն ժառովէսցէ :

Եւ ևս խաղաղութեան զտէր աղաջեսցուք:
Վասն խաղաղութեան ամենայն աշխարհի, և այն:

Ասրէաւագն չայնեսցէ :

Օրհնեա տէր:

Եւ ժահանայն բաղէադարած աստացէ 'ի ծածուէ զտղօթս :

Տէր Աստուած մեր, զբաղկատարած զաղաջանս
ծառայից քոյ վերլնկաթիս, և ողորմեսցիս ըստ մե-
ծի ողորմութեան քում. զգթութիւն քո առաքեա
'ի վերայ մեր և ամենայն ժողովրդեանս, որք ակն
ունին առ 'ի քէն առատ ողորմութեանդ:

Ի չայն :

Զի ողորմած և մարդասէր ես Աստուած գողով.
և քեզ վայելց փառք իշխանութիւն և պատիւ,
այժմ և միշտ և յաւիտեանս յաւիտենից. Ամէն:

Եւ քահանայն հասցի յաստիանն: Եւ սկսցին սաղմոն կցորդ,
ոստ խորհրդոց աշուրմ: Եւ ընթերցցին զգիրս մարզակականն
և զառարեղականն: Եւ զինի աղերու ըստ ցուցաներոյ ընթերցուա-
ծոյն: Եւ յաւարտնանն սարկաւագն բարձր ձայնից գունցէ:

Օրթի:

Քահանայն դարձցի 'ի խորանեն, և իսպակիքնեցէ 'ի վերայ
ժողովրդեանն, և ասացէ:

Խաղաղութիւն ✽ ընդ ամենեսեան:

Ժողովրդուն: Եւ ընդ հոգւոյդ քում:
Ասրէաւագն: Երկիւղածութեամբ լուարուք:

Ասրէաւագն:

Արբոյ աւետարանիս որ ըստ Մատթէոսի:

Ժողովրդուն: Փառք քեզ տէր Աստուած մեր:
Ասրէաւագն: Պուօսխումէ:
Ժողովրդուն: Ասէ Աստուած:

Եւ սարկաւագն ընթերցցի զաւտարանն: և յաւարտն
ասացէն ամեներենն:

Փառք քեզ տէր Աստուած մեր:

Եւ աստացէն զհաւադանն:

Հաւատամբ 'ի մի Աստուած հայրն ամենակալ,
յարաբին երկնի և երկրի, երկելեաց և աներկու-
թից: Եւ 'ի մի տէր Յիսուս Քրիստոս, յորդին Աս-
տուծոյ, ծնեալն յԱստուծոյ հօրէ՝ միածին նախ

քան զամենայն յաւիտեանս։ Աստուած յԱստու-
ծոյ, լրս՝ ի լրւսոյ, Աստուած Ճշմարիտ՝ յԱստու-
ծոյ Ճշմարտէ ծնունդ՝ և ոչ արարած։ Նոյն ինքն
համագոյակից հօր, որով ամենայն ինչ եղեւ յեր-
կինս և՝ ի վերայ երկրի երեւելիք և աներեսյթք։
Որ յաղագս մեր մարդկան և վասն մերոյ փրկու-
թեան՝ իջեալ՝ ի յերկնից, մարմնացաւ՝ մարդա-
ցաւ, ծնաւ կատարելապէս՝ ի Մարիամայ սրբոյ կու-
սէն՝ Հոգւով սրբով։ Որով էառ մարմնն, հոգի,
միտք, և զամենայն որ ինչ է՝ ի մարդ. Ճշմարտա-
պէս և ոչ կարծեօք։ Չարչարեալ, խաչեալ, թա-
ղեալ, յերրորդ աւուր յարուցեալ, ելեալ՝ ի յեր-
կինս նովին մարմնավանստաւ ընդ աջմէ հօր։ Գա-
լոց է նովին մարմնովն և փառօք հօր՝ դատել զկեն-
դանիս և զմեռեալս. որոյ թագաւորութեանն ոչ
գոյ վախճան։ Հաւատամք և՝ ի սուրբ Հոգին՝ յա-
նեղն և՝ ի կատարեալն, որ՝ ի հօրէ և յորդւոյ բըզ-
խի. որ խօսեցաւ յօրէնս և՝ ի մարդարէս և յաւե-
տարանս. որ էջն՝ ի յորդանան, քարոզեաց զառա-
քեալն, և բնակեցաւ՝ ի սուրբսն։ Հաւատամք և՝ ի
մի միայն յընդհանրական և յառաքելական եկե-
ղեցի։ Ի մի մկրտութիւն, յապաշխարութիւն,՝ ի
քաւութիւն և՝ ի թողութիւն մեղաց։ Ի յարու-
թիւն մեռելոց.՝ ի դատաստանն յաւիտենից՝
հոգւոց և մարմնոց։ Յարբայութիւն երկնից և՝
կեանսն յաւիտենականս։

Իսկ որք ասենս, էր երբեմն՝ յորժամ ոչ էր որդի,
կամ էր երբեմն՝ յորժամ ոչ էր սուրբ հոգին,
կամ թէ յոչէից եղեն, կամ յայլմէ էութենէ ա-
սեն լինել զօրդին Աստուծոյ, և կամ զսուրբ հո-
գին, և թէ փափոխելի են կամ այլայլի, զայնափի-
սին նզովի կաթուղիկէ և առաքելական եկեղեցի։

Իսկ մեք փառաւորեսցուք որ յառաջ քան զյա-
փառեանս, երկիրպագանելով սրբոյ երրորդու-
թեանն և մի աստուածութեանն հօր և որկոյ և
հոգւոյն սրբոյ, այժմ և միշտ և յաւիտեանս յաւ-
իտենից։ Ու մէն ուստամաք որ մասի մեմաք
մարմնութիւնն առաջնորդ է յաւիտեանս և այլն
Եւ սարէաւագին տարագէսէ ՚ի չայն և այլն
Եւ ևս խաղաղութեան զտէր աղաչեսցուք։ Ժո
Ժորժէւթիւն։ Տէր ողօրմեաւ։
Սորիտագին։ Եւ ևս հաւատով, և այլն։ Վայրի
Վինչ նորա երգէն, բահոնայն զայշնս առէ
՚ի ծածռէն։

Տէր մեր և փրկիւ Յիսուս Քրիստոս, որ մեծո-
ես ողօրմնութեամբ, և առատ պարզեօք բարերա-
րութեան քոյ. որ գու քոյին կամաւ՝ ի ժամնւս
յայսմիկ համբերեցեր չարչարանաց, խաչի և մա-
հու՝ յաղագս մեղաց մերոց, և պարզեցեր առա-
տապէս զպարգևս Հոգւոյդ սրբոյ երանելի առաքե-
լոցն. հաղորդս արա և զմեզ, տէր, աղաչեմ զքեզ՝
աստուածային պարգևացդ, թօղութեան մեղաց
և ընդունելութեան Հոգւոյդ սրբոյ։

Ի չայն։

Որպէս զի արժանաւորք եղիցուք գոհութեամբ
փառաւորել զքեզ ընդ հօր և ընդ սրբոյ հոգւոյդ,
այժմ և միշտ, և յաւիտեանս յաւիտենից։ Ամէն։

Խաղաղութիւն ։ ամենեցուն։

Խաղաղութեամբ քով Քրիստոս Քրիստոս մեր, որ
ի վեր է քան զամենայն միտու և զբանս՝ ամրացո
զմեղ, և աներկիւղ պահեա յամենայն չարէ։ Հա-
ւասարեա զմեղ ընդ Ճմարիտ Երկրպագուս քո,
որք հոգւով և Ճմարտութեամբ քեղ Երկիրպա-
դանեն։ Վասն զի ամենասուրբ Երրորդութեանդ
վայելէ փառք, իշխանութիւն և պատիւ, այժմ և
միշտ և յաւիտեանս յաւիտենից։ Ամէն։

Օրհնեալ տէր մեր Յիսուս Քրիստոս։

Ժողովուրդն ։ Ամէն։
Սարհաւագն ։ Օրհնեա տէր։

Քառհանայն ։

Տէր Աստուած օրհնեացէ ։ զամենեսեանդ։

Սարհաւագն ։ Սաղմոս ասացէք, և այն։

Սբասայութիւն ըստ Խորհրդեան առողջն ։
Յէտ որոյ սարհաւագն յայնեացէ ։

Մի ոք յերեխայից, մի ոք, և այն։

Դոդիրն էղանակէսայն ։

Մարմին տէրունական, և արիւն, և այն։

Եւ աղա էղանակէսայն ։

Ուզ ըստ Քրովեհիցն, և այն։

Եւ ՚ի սարկառագն վերաբերցի սրբազն հացն, և
օրմենուրենան բաժակն ՚ի սուրբ սեղանն։

Եւ մինչ նոքա երգիցն, քանանայն խոնարհնացի առաջի
սրբոյ սեղանոյն, և խորհրդաբար աղօրեացէ ՚ի ժամուկ։

Ու ոք արժանի է յըմբռնելցոս մարմնաւոր ախ-
տիւք և ցանկութեամբ՝ մատչիլ ՚ի սեղան քո,
կամ սպասաւորել արբունական փաւաց քոց. քան
զի պաշտել զքեղ՝ մեծ և ահաւոր Երկնաւոր զօ-
րութեանցն իսկ է։ Սակայն վասն անչափ բարե-
րարութեան քոյ՝ անպարագրելի բանդ հօր Եղեր
մարդ, և քահանայապահ մեր Երկեցար։ Եւ իբր
տէր ամենեցուն՝ այսմ սպասաւորութեան և անա-
րին զենման զքահանայութիւն աւանդեցեր մեզ։
Վասն զի դու ես տէր Աստուած մեր, որ տիրես Եր-
կնաւորաց և Երկրաւորաց, որ ՚ի վերայ քերովեկա-
կան աթոռոյ բազմիս՝ սերովեկից տէր, և թագաւոր
խրայէլի։ Որ միայն սուրբ ես, և ՚ի սուրբս հանգու-
ցեալ, աղաւեմ զքեղ, միայն բարերար, նայեա յիս
՚ի մեղուցեալ և յանպիտան ծառայս քո, և սրբեա
զհողի և զմիտու իմ յամենայն պղծութենէ չարին։
Եւ բաւականացո զիս զօրութեամբ սուրբ հոգւոյդ,
որ զգեցեալ եմ զքահանայականս շնորհ, կալ առաջի
սրբոյ սեղանոյս, և քահանայապործել զքո անա-
րատ մարմինդ, և զպատուական արիւնդ։ Քեղ խո-
նարհեցուցեալ զպարանոցս իմ մաղթեմ, մի դար-
ձուցաներ զերեսս քո յինէն, և մի մերժեր զիս ՚ի
ծառայից քոց. այլ արժանի արա մատուցանել
քեղ զընծայս զայս՝ յինէն ՚ի մեղուցեալ և յանար-
ժան ծառայէս քումմէ։ Վասն զի դու ես՝ որ մա-
տուցանես և մատչիս, ընդունիս և տաս, Քրիստոս
Աստուած մեր։ Եւ քեղ փաւոս մատուցանեմք հան-
գերձ անսկիզբն հարբդ, և ամենասուրբ և բարե-
րար հոգւովիդ, այժմ և միշտ և յաւիտեանս յաւի-
տենից։ Ամէն։

մարտ նույնական հաջորդական նույնականություն Ա ՀՅ
Եւ ընծայքն մերարկերեսին ՚ի սեղանն ոռչր. և քահանայէ
խնկարկեսէ ՚ի վերաց սեղանոյն. և բանաց զձեռու
ասեղով:

Կուացից սրբութեամբ զձեռու իմ, և այն:

Եւ ապրուեցէ սարչաւագն: Եւ ևս խաղաղութեան զտէր աղաչեսցուք:

Ժողովարդն: **Տէր ողորմեա:**
Սարչաւագն: Եւ ևս հաւատով, և այն:

Քահանայէ թէ սարվարագ կայցէ ՚յ խորմրեանն, մինչ նա
զբարդն ասիցէ, համբուրեսէ զուղանն, և խաղակերեալ Ք լդ-
ժողովորդն, բազկատարած կայցի առաջի սեղանոյն. և ասացէ
՚ի ժամանեած զաղօրս:

Տէր Սատուած զօրութեանց, և արարիչ ամե-
նայն լինելութեանց, որ յանելութենէ զընաւս՝ ՚ի
ցուցակութիւն ածեալ գոյացուցեր. որ և զմեր
հողեղէն բնութիւնս այսպիսի ահաւոր և անպա-
տում խորհրդոց կարգեցեր սպասաւորս. դու տէր,
որում պատարագեմբ զպատարագիսս, ընկալ առ ՚ի
մէնջ զառաջադրութիւնս զայս, և աւարտեա ըզ-
սա ՚ի խորհրդականութիւնն մարմնոյ և արեան
միաձնի քոյ: Ուեղ թողութեան մեղաց պարգեեա
ձաշակողաց զհացս զայս և զբաժակս:

Ի չայն:

Շնորհօք և մարդասիրութեամբ տեառն մերաց և
փրկչին Ցիսուսի Քրիստոսի, ընդ որում քեզ հօք՝
միանդամայն և հոգւոյդ սրբոյ վայելէ փառք իշ-
խանութիւն և պատիւ, այժմ և միշտ և յաւի-
տեանս յաւիտենից. **Ամէն:**

Շնորհի դմեզար արժճիմար գումար զբաղաց
աշխատ Խաղաղութիւն Ք ամենեցուն: Արդուն զա
առաջ դիմաց և ուժու պատրաստաւած բանմաց
առ Ժաղովարդն: **Ամէն, և ընդ հոգւոյդ քումանածն**
զան սիրածաւասաւած ծոյրաց: Արդուն պատրաստաւած
Ա Սրբաւագն: **Ողջոյն տուք միմեանց, և այն:** զան
միուն Եցուաց յար օնաս միջեց արքաց մուն ներց
անձան Եւ համբուրեսցէն զուղանն և պատմանն: Եցու
քայլի բարակ յարց ուստի անձան լուսու զան
զան բարձրուց Զայնեսցէ սարչաւագն: Արարաց բար
ասպար մարդու անձան անձան իշխանից բաց
Ամէն կացցուք, Երկիւղիւ, և այն:

Դադերն: **Առ քեզ Սատուած:**
Սարչաւագն: **Պատարագ Քրիստոս մատչի, և այն:**
Դադերն: **Ողջորմութիւն և խաղաղութիւն, և այն:**
Քահանայն դարչոց և խաչակինեսցէ Ք ՚ի վէրայ
ժողովրդէանն, և ասաւոյէ:
Շնորհօք, սէր, և աստուածային սրբարար զօրու-
թիւնն հօր և որդւոյ և հոգւոյն սրբոյ՝ Եղիցի ընդ
ձեզ ընդ ամենեսեան:

Ժողովարդն: **Եւ ընդ հոգւոյդ քում:**
Սարչաւագն: **Ի վեր ընծայեցուցէք, և այն:**
Դադերն: **Ունիմք առ քեզ տէր ամենակալ:**
Սարչաւագն: **Եւ գոհացարուք զտեառնէ, և այն:**
Դադերն: **Արժան և իրաւ:**

Քահանայն չեռնամած աղօնեսցէ ՚ի ծածուէ:


Արժան է ստուգապէս և իրաւ ամենայորդոր
փութով միշտ Երկիրազանելով փառաւորել ըզ-
քեզ հայր ամենակալ որ քոյին անզննելի և ա-

ըարչակից բանիւդ զամսիծիցն բարձեր զկրծիմն.
որ ժողովուրդ ինքեան առեալ զեկեղեցի սեպհա-
կանեաց զհաւատացեալս 'ի քեզ. և զննելի բնու-
թեամբ ըստ 'ի կուսէն տնտեսութեան հաճեցաւ
բնակիլ 'ի մեզ. և նորագործ աստուածապէս Ճար-
տարապետեալ զերկիրս երկին արար: Վասն զի ո-
րում ոչն հանդուրժէին առաջի կալ զուարթնոցն
ջոկք՝ զարհուրեալք 'ի փայլակնացայտ և յանմա-
տոյց լուսոյ աստուածութեանդ, եղեալ այդպիսիդ
մարդ յաղագս մերոյ փրկութեան, շնորհեաց մեզ
ընդ երկնայինմն պարել զհոգեղէն պարս:

Ի չայն :

Եւ ընդ սերոբէսն և ընդ քերոբէսն միաձայն
սրբասացութեամբ յօրինել նուագս, և համարձա-
կապէս գոչելով աղաղակել ընդ նոսին, և ասել:

Սուրբ սուրբ սուրբ, տէր զօրութեանց, լի են
երկինք և երկիր փառօք քո. օրհնութիւն 'ի բար-
ձունս. օրհնեալ որ եկիր և գալոցդ ես անուամբ
տեառն. ովսաննսա 'ի բարձունս. սուրբ սուրբ սուրբ:



Քահանայն բազկատարած աղօրեսցէ 'ի Տաճուկ ,
Առքա երգեսցեն :

Սուրբ ես Ճշմարտապէս և ամենասուրբ . ն
ով ոք պանծասցի բովանդակել բանիւ զքո 'ի մ
զանբաւ բարեգորովութեանդ զեղմունս : Որ
անդէն իսկ 'ի նախնումն զանկեալն ընդ մեղք
զանազան եղանակոք իննամեալ սփոփեցեր՝ մար
գարեիւք, օրինացն տուչութեամբ, քահանայու-
թեամբ և ստուերակերպ երնջոցն մատուցմամբ,
իսկ 'ի վախճան աւուրցս այսոցիկ՝ զբովանդակ
իսկ զպարտեաց մերոց խղեալ զդատակնիք, ետուր
մեզ զորդիդ քո միաձին՝ պարտապան և պարտս,
զենումն և օծեալ գառն և երկինաւոր հաց, քահա-
նայապետ և պատարագ : Վասն զի ինքդ է բաշ-
խօդ, և նոյն ինքդ բաշխի 'ի միջի մերում միշտ ան-
ձախապէս : Վասն զի եղեալ հաւաստեաւ և առանց
ցնորից մարդ, և անշփոթ միաւորութեամբ մար-
մնացեալ յաստուածածին և 'ի սուրբ կուսէն Մա-
րիամայ, Ճանապարհորդեաց ընդ ամենայն կիրս
մարդկային կենցաղյոս՝ առանց մեղաց . և յաշխար-
հակեցոյց և յառիմն փրկութեան մերոց եկեալ
կամաւ 'ի խաչն :

Առեալ զհացն 'ի սուրբ, յաստուածային, յանա-
րատ և 'ի պատուական ձեռս իւր,

Օրէ Ք նեաց, գոհացաւ, էրեկ, ետ իւրոց ընտրեալ սուրբ և բազմեալ աշակերտացն, ասելով.

Առէք կերէք

այս է մարմին իմ.

Որ վասն ձեր և բազմաց բաշխի ՚ի քաւութիւն և ՚ի թողութիւն մեղաց:

Նոյնպէս և զբաժակն առեալ,

Օրէ Ք նեաց, գոհացաւ, էարբ, ետ իւրոց ընտրեալ սուրբ և բազմեալ աշակերտացն, ասելով.

Արբէք ՚ի սմանէ ամենեքեան.

այս է արիւն իմ, նորոյ ուխտի.

Որ յաղագս ձեր, և բազմաց հեղանի ՚ի քաւութիւն և ՚ի թողութիւն մեղաց:

Եւ զոյն միշտ իւր յիշատակ առնել պատուի րան աւանդեաց մեզ բարերար օրդիդ քո միածին: Եւ իջեալ ՚ի ստորին վայրս մահու՝ մարմնովն զոր ՚ի մերմէս ընկալաւ յազգակցութենէ. և զնիգս դժու խոյն աղարտեալ հզօրեղապէս, զբեզ միայն ծանոյց մեզ չշմարիտ Աստուած, զԱստուածդ կենդանեաց և մեռելոց:

Եւ արդ մեք, Տէր, ըստ այսմ հրամանամբութեան յառաջ բերեալ զայս խորհութ փրկական մարմնոյ և արեան միածնի քոյ, յիշեմք զդորա որ վասն մեր զփրկագործ չարչարանսն, զկենդանաւ

տու խաչելութիւնն, զերեքօրեայ զմաղումն, զերանելի յարութիւնն, զաստուածապէտ համբարձումն, զնստին ընդ աջմէ քո հայր, զահաւոր և զփառաւորեալ զմիւսանդամ գալուսան խոստովանիմք և օրհնեմք:

Եւ դէյէ զընծայսն ՚ի մէրայ սէղանոյն, և ասասցէ ՚ի չայն:

Եւ զբոյս ՚ի քոյոցս քեզ մատուցանեմք, ըստ ամենայնի և յաղագս ամենեցուն:

Դոդիրն: Յամենայնի օրհնեալ ես, և այլն: Հուս սիրապանեալ մինչան յանձն բազէագարած աղօնէս ՚ի ծածուէ:

Զբեզ արդարե, տէր Աստուած մեր, գովեմք, և զբէն գոհանամք հանապազ. որ զանց արարեր զմերով անարժանութեամբս, այսպիսի ահաւոր և անպատում խորհրդայ կարգեցեր սպասաւորս. ոչ յազագս մերոյ ինչ բարեգործութեան, յորոց յոց թափուր եմք, և միշտ ունայն գտանիմք հանապազ, այլ ՚ի քա բազմազեզ ներողութիւնդ ցանկ ապաւինեալ համարձակիմք մերձենալ ՚ի սպասաւորս թիւն մարմնոյ և արեան միածնի քո տեանդ մերոյ և փրկչիդ Յիսուսի Քրիստոսի: Որում վայելէ փառք իշխանութիւն և պատիւ, այժմ և միշտ և յափիտեանա յաւիսենից. Ամէն:

Խաղաղութիւն Ք ամենեցուն:

Ապրկաւագն: Աստուծոյ երկիրպագեսցուք:

Ժողովուրդն: Աւածի քոյ տէր:

Քահանայն խոհարհեսցի և տառացէ :

Երկիրպագանեմք և աղաջեմք և խնդրեմք՝ ի քէն բարերար Աստուած, առաքեա 'ի մեզ, և յառաջի եղեալ յընծայս յայս՝ զմշտնթենաւորակից քո և զէակից սուրբ Հոգիդ:

Ե- հանգնեալ խաչակնեսցէ զընծայն՝ ասէլո՞ն ՚ի յած :

Որով զհաց օրհ ՞ նեալ մարմին ճշմարտապէս արարեր տեառն մերոյ և փրկչին Յիսուսի Քրիստոսի :

Որով զհաց օրհ ՞ նեալ մարմին ճշմարտապէս արարեր տեառն մերոյ և փրկչին Յիսուսի Քրիստոսի :

Որով զհաց օրհ ՞ նեալ մարմին ճշմարտապէս արարեր տեառն մերոյ և փրկչին Յիսուսի Քրիստոսի :

Եւ զբաժակ օրհ ՞ նեալ արիւն ստուգապէս արարեր տեառն մերոյ և փրկչին Յիսուսի Քրիստոսի :

Եւ զբաժակ օրհ ՞ նեալ արիւն ստուգապէս արարեր տեառն մերոյ և փրկչին Յիսուսի Քրիստոսի :

Եւ զբաժակ օրհ ՞ նեալ արիւն ստուգապէս արարեր տեառն մերոյ և փրկչին Յիսուսի Քրիստոսի :

Որով զհաց և զգինի օրհ ՞ նեալ մարմին և արիւն ճշմարտապէս արարեր տեառն մերոյ և փրկչին Յիսուսի Քրիստոսի՝ փոխարկելով Հոգւովդ քով սրբով:

Եթէյ անգամ իբինեսցէ պահօնս. և սահանագն ՚ի յած. Ամէն :

Ե- հահանայն ասասցէ ՚ի յայն :

Որպէս զի եղիցի սա ամենեցուն մեզ մերձեցելոց յանդատապարտութիւն ՚ի քաւութիւն և 'ի թողութիւն մեղաց :

Եւ ապա բարածեալ զընծայն աղօնէսցէ ՚ի ծածռուն :

Սովաւ չնորհեա զսէր, զհաստատութիւն և զըղձալի զխաղաղութիւն ամենայն աշխարհի, սրբոյ եկեղեցւոյ և ամենայն ուղղափառ եպիսկոպոսաց, քահանայից, սարկաւագաց, թագաւորաց աշխարհի, իշխանաց, ժողովրդոց, ճանապարհորդելոց, նաւելոց, կապելոց, վտանգելոց, աշխատելոց, և որք 'ի պատերազմունս բարբարոսաց :

Սովաւ և օգոս չնորհեա զբարեխառնութիւն, և անդոց զպաղաբերութիւն, և ախտացելոց 'ի պէսպէս ցաւս փութապէս զառողջութիւն :

Սովաւ հանգո զամենեսեան յառաջադոյն ՚ի Քրիստոս զննթեցեալն, զեպիսկոպոսունս, զերիցունս, զսարկաւագունս և զընաւ ուխտ եկեղեցւոյ քում սրբոյ, և զամենեսեան՝ օրք յաշխարհական կարգէ զարս և զկանայս հաւատով վախճանեալ :

Ի յայն :

Ըսդ որս և մեզ այց արասցեա՝ բարերար Աստուած աղաջեմք :

Ժաղանդակն : Յիշեա տէր և ողորմեա :

Քահանայն :

Աստուածածնին սրբոյ կուսին Մարիամու, և Յովհաննու միլուչին, Մտեփանոսի նախավկային, և աւաննու միլուչին,

մենայն սրբոց՝ եղիցի յիշատակ՝ ՚ի սուրբ պատա-
րագս, աղաչեմք:

Փողովորդն: Յիշեա տէր և ողորմեա:

Սարհաւագն: յաջուիողն սէղանոյն՝ չեռնամած ստացէ:

Աւաքելոց սրբոց, մարդարէից, և այն:

Եւմիմ սարկաւագն զբարող ասիցէ, քանակայն զաջոր
սկսի. զի՞ի միասին աւարտեցնեն:

Յիշեա Տէր և ողորմեա և օրհնեա՝ զսուրբ կա-
թուղիկէ և առաքելական եկեղեցի քո, զոր փըր-
կեցեր պատուական արեամբ միածնի քոյ, և ազա-
տեցեր խաչին սրբով. շնորհեա սմա զանշարժ ըլ-
խաղաղութիւն:

Յիշեա տէր և ողորմեա և օրհնեա զամենայն
աղջափառ եպիսկոպոսնս, որք ուղիղ վարդապե-
ռութեամբ համառօտեն՝ ՚ի մեզ զբանն ճշմարտու-
թեան:

Աստ յետ յիշերցն զՊապին, յիշիցի ևս առաջերդի տեղոյն
բատ պատշաճի և պատոյն, թէ Պապարիարդ իցէ, թէ Արք-
ապիսկոպոս իցէ, և թէ Եպիսկոպոս իցէ: Բայց կարուղիկոն,
և կամ Եպիսկոպոսն Հայոց երե իցէ հերեւուիկոն կամ հեր-
ռուածող՝ ոչ երբեք և ոչ սրբեցիշիցի: Խսի երե իցէ ուղղա-
փառ, յիշիցի միայէ ՚ի թեմի և ՚ի վիճակի խրում, և ոչ եր-
բեք արտաքոյ եռիք:

Ի չայն:

Եւս առաւել զօրբազան Պապն մեր՝ զտէր այս
անուն. և զերծանիկ պատրիարքն մեր՝ զտէր այս
անուն. էամ զարքեպիսկոպոսն մեր՝ զտէր այս ա-

անուն. էամ զեպիսկոպոսն մեր՝ զտէր այս անուն.
շնորհեսցես մեզ ընդ երկայն աւուրս ուղիղ վար-
դապետութեամբ:

Եւս սպա ՚ի ձախակողմեն սեղանոյն բարողեսցէ սարկա-
ւագն ձեռով ասորից: Զոր մի ոք մտացածին կարծելով Ար-
քացէ, զի մեծին խորտիւ և ասացեալ զառաջնոց օրինացն:

Գոհութիւն և փառաբանութիւն, և այն:

Եւս ընդ սկսանի սարկաւագն զբարու, քանակայն զա-
ջորս սկսի, զի ՚ի միասին աւարտեցնեն:

Յիշեա տէր և ողորմեա և օրհնեա՝ զքո առաջի
կացեալ ժողալուրդս, և զպատարագիս մատուցողս,
և պարգևեա սոցա զպիտոյն և զօդտակարան:

Յիշեա տէր և ողորմեա և օրհնեա՝ զուխտաւորս
և զպտղաբերիս եկեղեցւոյ քոյ սրբոյ, և որք յիշեն
զպարատս ողորմածութեամբ. և հատո նոցա ըլ-
պարտս նոցա՝ ըստ ընդարբոյս առատութեան քոյ
հարիւրապատիկ աստ և ՚ի հանդերձելումդ:

Յիշեա տէր և ողորմեա, և գթա ՚ի հոգիս հան-
գուցելոցն, հանգո զնոսին, և լուսաւորեա և գա-
սաւորեա ընդ սուրբս քո յաբբայութեանդ երկնից,
և արժանի արա ողորմութեան քում:

Յիշեա տէր և զհոգի ծառայի քո այս անուն. և
ողորմեա նմա ըստ մեծի ողորմութեան քում, և
հանգո այցելութեամբ ՚ի լցո երեսաց քոց: Եւ էնէ
կենդանի է, փրկեա զնա յամենայն որոդայթից հո-
գւոյ և մարմնոյ:

Յիշեա տէր և զայնօսիկ՝ որք յանձնեցին մեզ յի-
շատակել յաղօթս՝ զկենդանիս և զչանգուցեալս.
կառավարեա զկամն հայցմանց նոցա և զերու՝ ընդ
ուղղորդն, և որ լին է փրկութեամբ: Եւ վարձա-
տրեա բոլորեցունց զանանց և զերանելի բարու-

թիւնսդ : Եւ զտեալ զխորհուրդս մեր՝ տաճարացո
յընդունակութիւն մարմնոյ և արեան միաձնի քոյ
տեառն մերոյ և փրկչին Յիսուսի Քրիստոսի : Ընդ
որում քեզ հօր ամենակալի, հանդերձ կենդանա-
րար և աղատիչ սուրբ Հոգւովդ՝ վայելէ փառք իշ-
խանութիւն և պատիւ, այժմ և միշտ և յաւի-
տեանս յաւիտենից : Ամէն :

Քահանայն դարձի և խաչակնեսոյէ զժողովը դու-
աւելով բարձր :

Եւ եղիցի ողորմութիւն մեծիս Սստուծոյ, և
փրկիս մերոյ Յիսուսի Քրիստոսի † ընդ ձեզ ընդ
ամենեսեան :

Ժողովը ։ Եւ ընդ հոգւոյդ քում :
Սարհաւագն : Եւ ևս խաղաղութեան, և այն :
Ժողովը ։ Տէր ողորմեա :
Սարհաւագն : Ամենայն սրբովք զորս, և այն :

Եւ անդէն ընդ ժարողութեան՝ քահանայն բաղկադարած
երրհրդաբար աշխեսոյէ ՚ի ծածուի :

Սստուծ Շմարտութեան, և հայր ողորմու-
թեան, գոհանամբ զքէն, որ ՚ի վերքան զերանելի
նահապետացն՝ զմեր պարտաւորեցելոց առաւել
մեծարեցեր զբնութիւն : Վասն զի նոցա Սստուծ
կոչեցար, իսկ մեզ հայր հաճեցար անուանիլ գթա-
լով : Եւ այժմ, Տէր, աղաչեմք զքեզ՝ զայսպիսի առ ՚ի
քէն զնորոդ. և զպատուական անուանադրութեանս
չնորհ՝ օր լստ օրէ պայծառացուցեալ ծաղկեցո ՚ի
մէջ եկեղեցւոյ քում սրբոյ :

Ի չայն :

Եւ տուր մեզ համարձակաձայն բարբառով բա-
նալ զըերանս մեր, կարդալ զքեզ երկնաւորդ հայր,
երգել և ասել :

Եւ ժողովը բաղկադարած էղանակնեցն :

Հայր մեր, որ յերկինս ես, և այն :

Եւ մէջ նորա երգեսցին՝ քահանայն աշխեսոյէ
՚ի ծածուի :

Տէր տերանց, Սստուծ աստուածոց, Ծագաւոր
յաւիտենական, արարիչ ամենայն արարածոց, հայր
տեառն մերոյ Յիսուսի Քրիստոսի, մի տար զմեզ ՚ի
փորձութիւն, այլ փրկեա ՚ի չարէ, և ապրեցո ՚ի
փորձութենէ :

Ի չայն :

Զի քո է արքայութիւն և զօրութիւն և փառք
յաւիտեանս . Ամէն :

Քահանայն :

Խաղաղութիւն † ընդ ամենեսեան :

Ժողովը ։ Եւ ընդ հոգւոյդ քում :
Սարհաւագն : Աստուծոյ երկրպագեսցուք :
Ժողովը ։ Առաջի քոյ տէր :

Քահանայն խոնարհեսոյի և ամէնայն ժողովը ընդ նմա-
՚ի կայր . և քահանայն աշխեսոյէ ՚ի ծածուի :

Որ աղքիւրդ ես կենաց, և բղնումն ողորմու-
թեան, Հոգիդ սուրբ, ողորմեա ժողովրդեանս, որք

խօնարհեալ էրկիրպագանեն աստուածութեանդ
քոյ : Պահեա զսոսա ամբողջս . տպաւորեա յոդւոջ
սոցա զձև մարմնոյ ցուցակի՝ առ ՚ի ժառանգու-
թիւն և ՚ի վիճակ հանգերձելոցդ բարեաց :

Ի չայն :

•Քրիստոսիւ Յիսուսիւ տերամք մերով, ընդ ո-
րում քեզ հոգւոյդ սրբոյ և հօր ամենակալի վայել
է փառք իշխանութիւն և պատիւ, այժմ և միշտ և
յաւիտեանս յաւիտենից . Ամէն :

Ե- չահանայն առեւալ զսուրբ հայն ՚ի հեռու, սարէաւագն
չայնեացէ բարիչ :

Պռօսխումէ :

Ե- չահանայն բարիչացուացէ աներեւ ժողովրդեանն
և աստացէ :

Ի սրբութիւն սրբոյ :

Ժողովրդն բարիչ չայնիւ :

Միայն սուրբ, միայն տէր, Յիսուս Քրիստոս, ՚ի
ժառս Աստուծոյ հօր . Ամէն :

Քահանայն :

Օրհնեալ հայր սուրբ Աստուած Ճշմարիտ:
Ժաշութբոն : Ամէն :

Քահանայն :

Օրհնեալ որդիդ սուրբ Աստուած Ճշմարիտ:
Ժաշութբոն : Ամէն :

Քահանայն :

Օրհնեալ հոգիդ սուրբ Աստուած Ճշմարիտ:
Ժաշութբոն : Ամէն :

Քահանայն :

Օրհնութիւն և փառք հօր և որդւոյ և հոգւոյն
սրբոյ, այժմ և միշտ և յաւիտեանս յաւիտենից.
Ամէն :

Դոկտրն : Հայր սուրբ, որդի սուրբ, և այն :

Ե- մինչ նորու երդիցն զայս, չահանայն իսրայէլէցն,
և աղօնեացէ ՚ի ծածուէ :

Նայեաց տէր մեր Յիսուս Քրիստոս յերկնից ՚ի
սրբութենէ քումմէ, և յաթուոյ փառաց թագա-
ւորութեան քո: Եկ ՚ի սրբել և ՚ի կեցուցանել
զմեզ, որ ընդ հօր նստիս, և աստ պատարագիս:
Արժանի արա տալ մեզ յանարատ մարմնոյ քումմէ,
և ՚ի պատուական յարենէ. և ՚ի ձեռս մեր ամենայն
ժողովրդեանս :

Ե- զայս աստացեալ երիբագեւացէ և համբուրեւացէ զա-
լանն, և առեւալ զսուրբ մարդին ոչչ թացցէ յանարական
արեւանն, և աստացէ :

Տէր Աստուած մեր, որ կոչեցեր զմեզ յանուն
միածնի խրդւոյ քոյ քրիստոնեայս, և չնորհեցեր
մեզ մլրտութիւն հոգեսոր աւազանաւն ՚ի թողու-
թիւն մեզաց, և արժանի արարեր զմեզ հաղորդիլ
սուրբ մարմնոյ և արեան միածնի քոյ. և այժմ ա-
զաւեմք զքեզ տէր, արա զմեզ արժանի ընդունել
զսուրբ խորհուրդս զայս մեզ ՚ի մեզաց թողութիւն:

Եւ գոհութեամբ փառաւորել զքեղ ընդ որդւոյ և
սուրբ հոգւոյդ, այժմ և միշտ և յաւիտեանս յա-
ւիտենից. Ամէն:

Եւ բարձրացուցէ ակներե ժողովրդէ անն, և ասասցէ
առ նոսա բարձր:

Ի սուրբ՝ ի սուրբ պատուական մարմնոյ և յա-
րենէ տեառն մերոյ և փրկչին Յիսուսի Քրիստոսի,
Ճաշակեցուք սրբութեամբ, որ իջեալ՝ ի յերկնից
բաշխի՝ ի միջի մերում: Սա է կեանք †, յօս, յա-
րութիւն, քաւութիւն և թողութիւն մեղաց:
Սաղմոս ասացէք տեառն Սստուծոյ մերոյ, սաղմոս
ասացէք երկնաւոր թագաւորիս մերոյ անմահի, որ
նստի՝ ի կառս քերովլեականս:

Ատրէտագն չայնեցէ բարձր:

Սաղմոս ասացէք տեառն Սստուծոյ, և այլն:

Դպիրդն էղանակնեցէն:

Քրիստոս պատարագեալ բաշխի, և այլն:

Մինչնորա էրգիցէն, տականայն առցէ զմարմնն ՚ի չեռն,
և համբորեցէն արտասուօք, առելով լայս:

Զի՞ր օրհնութիւն, կամ զի՞ր գոհութիւն՝ ի վե-
րայ հացիս և բաժակիս ասացուք. այլ Յիսուս լզ-
քեղ միայն օրհնեմք հանդերձ հարեդ և ամենա-
սուրբ հոգւովդ. այժմ և միշտ և յաւիտեանս յա-
ւիտենից. Ամէն:

Դարձեալ ասասցէ:

Խոստովանիմ և հաւատամ, զի գու ես Քրիստոս
որդի Սստուծոյ, որ բարձեր զմեղս աշխարհի:

Եւ բեիեալ աբէցէ ՚ի բաժան աբետն՝ ասելով:

Լրումն հոգւոյն սրբոյ:

Եւ աղա առեալ զի նասն ՚ի չեռն ի-ը, ասասցէ ՚ի
ծածուէ արտասուօք և ժողովրդէ առ Հայր:

Հայր սուրբ, որ անուանեցեր զմեղ անուանա-
կցութեամբ միաձնի քոյ, և լրւարորեցեր մլլտու-
թեամբ հոգեոր աւազանին: Արժանի արա ընդու-
նել զսուրբ խորհուրդս զայս մեղ՝ ի մեղաց թողու-
թիւն: Տպաւորեա՝ ի մեղ զնորհս հոգւոյդ սրբոյ,
որպէս՝ ի սուրբ առաքեալսն, որք ճաշակեցին, և
եղեն մարրիչք ամենայն աշխարհի: Եւ արդ, տէր
հայր բարերար, զհաղորդութիւնս զայս մասնաւո-
րեա ճաշակման երեկոյին աշակերտացն՝ բառնալով
զիսաւար մեղաց իմոց: Մի հայիր յանարժանու-
թիւնս իմ, և մի արգելուր զնորհս հոգւոյդ սրբոյ.
այլ ըստ անբաւ մարդասիրութեան քոյ՝ պար-
զեեա զսա քաւիչ մեղաց, լուծիչ յանցանաց. որ-
պէս խոստացաւ և ասաց տէր մեր Յիսուս Քրիս-
տոս, թէ Որ ուտէ զմարմնն իմ, և ըմնէ զարիւն
իմ, կեցցէ յաւիտեանս: Արդ արա զսա մեղ՝ ի քա-
ւութիւն, զի որք կերիցեն և արքցեն՝ ի սմանէ,
հանցեն զօրհնութիւն և զփառս հօր և որդւոյ և
հոգւոյդ սրբոյ, այժմ և միշտ և յաւիտեանս յաւի-
տենից. Ամէն:

Խաղաղութիւն † ընդ ամենեսեան:

Գոհանամ զքէն Քրիստոս թագաւոր, որ ար-
ժանի արարեր զիս զանարժանս հաղորդիլ սուրբ
մարմնոյ և արեան քոյ: Եւ այժմ տէր աղաւեմ ըգ-

քեզ, մի լիցի սա ինձ՝ ի դատապարտութիւն, այլ
՚ի քաւութիւն և՚ի թողութիւն մեղաց, յառողջու-
թիւն հոգւոյ և մարմնոյ, և՚ի կատարումն ամենայն
գործոց առաքինութեան։ Որպէս զի սրբեսցէ սա
զշունչս իմ, զհոգի և զմարմին իմ, և արասցէ զիս
տաճար և ընակարան ամենասուրբ երրորդու-
թեանդ։ Զի ընդ սուրբս քո արժանի եղէց փա-
ռաւորել զքեզ ընդ հօր և ընդ սրբոյ հոգւոյդ,
այժմ և միշտ և յաւիտեանս յաւիտենից։ Ամէն։

Յաւիտեանս Ունիտերանին։

Գրոհանամ և մեծացուցանեմ և փառաւորեմ
զքեզ տէր Աստուած իմ, զի զիս զանարժանս ար-
ժանացուցեր յաւուրս յայսմիկ՝ հազորդակից լինել
աստուածային և սոսկալի խորհրդոյ քոյ, անարատ
մարմնոյդ և պատուական արեանդ։ Վասն այսորիկ
զսոսա՝ ի բարեխօսութիւն ունելով, աղաւեմզամե-
նայն աւուրս և ՚ի ժամանակս կենաց իմոյ՝ ընդ
սրբութեան քոյ պահեա զիս։ Որպէս զի յիշելով
զբարեգթութիւնս քո, և կենդանի լինել ընդ
քեզ, որ մամն մեր չարչարեցար և մեռար և յա-
րեար։ Մի մերձեսցի, տէր իմ և Աստուած, խորտա-
կին՝ կնքելով անձին իմոյ պատուական արեամբդ
քով։ Ամենակարօղ՝ մաքրեա զիս սոքօք յամենայն
մեռելոտի գործոց իմոց, որ միայնդ ես անմեղ։ Ամ-
րացո զիեանս իմ, Տէր, յամենայն փորձութենէ. և
չպատերազմօղն իմ գարձոյ յետս պատկառեալ և
ամաչեցեալ, որչափ յառնէ՝ ՚ի վերայ իմ։ Ամբացո
զգնացս մտաց և լեզուի իմոյ, և զամենայն ձանա-
պարհս մարմնոյ իմոյ։ Աէր հանապազորդ ընդ իս,
ըստ անսուտ խոստմանց քոց, թէ Որ ուտէ զմարմին
իմ, և ըմպէ զարիւն իմ, նա յիս ընակեսցէ և ես՝ ի
նմա։ Դու ասացեր, մարդասէր, կացո զըանս աս-
տուածային անլուծանելի հրամանաց քոց։ Քանզի

դու ես Աստուած ողորմութեան և գթութեան և
մարդասիրութեան, և պարզեիչ ամենայն բա-
րեաց։ և քեզ վայել է փառք հանդերձ հարբդ և
ամենասուրբ հոգւովդ, այժմ և միշտ և յաւի-
տեանս յաւիտենից։ Ամէն։

Եշ ապա տեսանազրեաց զիերե, և խնդրեաց ՚ի ձշմարտեն
Աստութոյ զպկապէս հայցուածն անձին իւրոյ և ժողովրդեան
և աշխարհի. և րողուրին խնդրեաց իւրոց յանցառացն
րժեաննաց և ատեղեաց։ Եշ անցկե անիւ և դողուրեամբ ձա-
շակեաց ՚ի մարմնոյն, և արբցէ ՚ի բաժակեն ասկող։

Մարմին քո անապական լիցի † ինձ՝ ի կեանս։
Եւ սուրբ արիւն քո՝ ՚ի քաւութիւն և ՚ի թողու-
թիւն մեղաց։

Եշ րէ սարկաւագ կայցէ, հաղորդեացի և նա։ Եշ սոցէ
սարկաւագն զսիմն, և դարձի առ ժողովուրդն ասկող
բարձր։

Երկիւղիւ և հաւատով յառաջ մատիք։

Ժողովուրդն ասասցէ բարձր չայնիւ։

Աստուած մեր և տէր մեր երևեցաւ։

Եշ հաղորդեացի նոր ձեռնազրեալն, բայց ոչ ՚ի բերանե,
այլ ՚ի յափե տաղով զարդուրիւնն։ Եշ ամենայն սորժանարո-
ժողովուրդն հաղորդեացին։ Եշ յետ հաղորդելոյն խաչակերեա-
ց զժողովուրդն, և ասացէ բարձր։

Կեցո տէր † զժողովուրդս քո, և օրհնեա զժա-
ռանցութիւնս քո, հոմուեա և բարձրացո զսոսա՝
յայսմշետէ մինչև յաւիտեանս։

Եւ յետ հաղբորութեանն երգեցն ժողովութիւն :

Լցաք 'ի բարութեանց քոց, և այն :

•Քահանայն :

Գոհանամք զքէն, հայր ամենակալ, որ պատրաստեցեր մեզ նաւահանգիստ սուրբ զեկեղեցի, տաճար սրբութեան, ուր փառաբանի սուրբ երրորդութիւնդ : Ալէլուիա :

Գոհանամք զքէն, Քրիստոս թագաւոր, որ պարգևեցեր մեզ կենդանութիւն՝ կենարար մարմնով և արեամբեդ քով սրբով : Ալէլուիա :

Գոհանամք զքէն, հոգիդ Ճմարիտ, որ նորոգեցեր սուրբ զեկեղեցի. անարատ պահեա հաւատով Երրորդութեանդ՝ յայսմ հետեւ մինչեւ յաւիտեան : Ալէլուիա :

Սարհաւագն : Եւ ևս խաղաղութեան զտէր աղաւեսցուք : Եւ ևս հաւատով ընկալ, և այն :

Փաղաւորն : Գոհանամք զքէն, և այն :

Եւ ժահանայն ասասոյէ 'ի ծածուէ :

Գոհանամք զքէն Քրիստոս Աստուած, որ զայս պիսի Ճաշակումն բարութեան շնորհեցեր մեզ 'ի սրբութիւն կենդանութեան : Առվիմք պահեա զմեզ սուրբս և անարատս՝ բնակեալ զմեօք քո աստուածային խնամօքդ : Հովուեա զմեզ յանդաստանի կամաց քոց սրբոց և բարերարաց : Որով ամրացեալք յամենայն բանսարկուին ընդդիմութեանց, քումդ ևեթ արժանի եղիցուք լսել ձայնի, և քեզ միայնոյ քաջայաղթ և Ճմարիտ հովուիդ հետեւել, և առ 'ի քէն ընդունել զպատրաստեալ տեղի յարքայութեանդ երկնից, Աստուած մեր և տէր և

փրկիչ Յիսուս Քրիստոս . որ ես օրհնեալ ընդ հօր և ընդ սրբոյ հոգւցոց, այժմ և միշտ և յաւիտեանս յաւիտենից . Ամէն :

Խաղաղութիւն † ընդ ամենեան :

Անքնին, անհաս, երրեակի ինքնութեանդ, հատիչ, ընդունօղ և անբաժանելի միասնական սուրբ Երրորդութեանդ, վայել է փառք իշխանութիւն և պատիւ, այժմ և միշտ և յաւիտեանս յաւիտենից . Ամէն :

Եւ ապա առցէ զաւոտարանն սուրբ 'ի ձեռն իւր, և երկրապագեալ համբուրեացէ զանդանն : Եւ իշեալ 'ի մեջ եկեղեցայն, ասացցէ զայօրս :

Ի չայն :

Որ օրհնես զայնոսիկ, որք օրհնեն զքեզ տէր, և սուրբ առնես զյուսացեալս 'ի քեզ, կեցո զժողովուրդս քո, և օրհնեա զժառանգութիւնս քո. զլումն եկեղեցւոյ քոյ պահեա : Արբեա զոսա, որք ողջունեցին սիրով զվայելութիւն տան քոյ : Դու զմեզ փառաւորեա աստուածային զօրութեամք քով, և մի թողուր զյուսացեալքս 'ի քեզ : Զխաղաղութիւն քո պարզեեա ամենայն աշխարհի, եկեղեցեաց, քահանայից, թագաւորաց քրիստոնէից, և զինուորեալ մանկանց նոցա, և ամենայն ժողովորեանս : Զի ամենայն տուրբ բարիք, և ամենայն պարզեք կատարեալք 'ի վերուստ են ի ծեալ առ 'ի քէն, որ ես հայր լուսոյ : Եւ քեզ վայել է փառք իշխանութիւն և պատիւ, այժմ և միշտ և յաւիտեանս յաւիտենից . Ամէն :

Ե - ժողովարդն ասասցէն երես անգամ :

Եղիցի անուն տեառն օրհնեալ, և այն :

Ե - ժահանայն դարձը առ ժողովարդն, և ասասցէ
՚ի չայն :

Կատարումն օրինաց և մարդարէից դու ես՝ Քրիս-
տոս Աստուած փրկիչ մեր. որ լցէր զամենայն հայ-
րակամ տնօրէնութիւնս քո, լցո և զմեզ հոգւովդ
քով սրբով :

Սարէաւագն. Օրթի:

Քահանայն :

Խաղաղութիւն Փ ամենեցուն :

Ժողովարդն : Եւ ընդ հոգւոյդ քում:

Սարէաւագն : Երկիւղածութեամբ լուարուք:

ՄՐԲՈՅ ԱԻԵՏՍՈՒԱՆԻՍ ՈՐ ԷՍՏ ՅՈՎՀԱՆՆՈՒ

Ի չօրէն լուսոյ

Պ սկզբանէ էր բանն, և բանն էր առ Աստուած,
և Աստուած էր բանն: Նա էր՝ ՚ի սկզբանէ առ Աս-
տուած: Ամենայն ինչ նովաւ եղե, և առանց նորա
եղե և ոչինչ՝ որ ինչ եղեն: Նովաւ կեանք էր, և
կեանքն էր լցոս մարդկան. և լցոն՝ ՚ի խաւարի անդ
լուսաւորէ, և խաւար նմա ոչ եղե հասու: Եղե
այր մի առաքեալ Աստուածոյ, անուն նմա Յովհան-
նէս: Սա եկն ՚ի վկայութիւն՝ զի վկայեսցէ վասն
լուսոյն, զի ամենեքին հաւատացեն նովաւ: Ու էր
նա լցոն, այլ զի վկայեսցէ վասն լուսոյն: Էր լցոն
Ճշմարիտ, որ լուսաւոր առնէ զամենայն մարդ՝ որ
գալոց է յաշխարհ: Յաշխարհի էր, և աշխարհ նո-
վաւ եղե, և աշխարհ զնա ոչ ծանեաւ: Յիւրան
եկն, և իւրքն զնա ոչ ընկալան: Խոկ որք ընկալանն
զնա՝ ետ նոցա իշխանութիւն որդիս Աստուածոյ լի-
նել՝ որոց հաւատացեն յանուն նորա. ոյք ոչ յա-
րենէ և ոչ ՚ի կամաց մարմնոյ և ոչ ՚ի կամաց առն,
այլ Աստուածոյ ծնան: Եւ բանն մարմին եղե, և
բնակեաց ՚ի մեզ. և տեսաք զիառս նորա՝ զիառս
իբրև զմիածնի առ ՚ի հօրէ, լի չնորհօք և Ճշմար-
տութեամբ:

ՄՐԲՈՅ ՍԻԵՏՈՐԱՆԻՄ ՈՐ ԸՍՏ ՅՈՎՀԱՆՆՈՒ

Յետ յարութեան տեառն մերոյ Յիսուսի Քրիստոսի:

Եւ իբրև Ճաշեցին, ասէ յԱխմնն Պետրոս Յիսուս. Ախմնն յովնանու սիրե՞ս զիս առաւելքան զգոսա: Ասէ ցնա. այո տէր, և դու գիտես՝ զի սիրեմ զքեզ. ասէ ցնա՝ արածեա զգառինս իմ: Դարձեալ ասէ ցնա: Ախմնն յովնանու սիրե՞ս զիս: Ասէ ցնա. այո տէր, և դու գիտես, զի սիրեմ զքեզ. ասէ ցնա՝ արածեա զօջխարս իմ: Ասէ ցնա երիցս անգամ. Ախմնն յովնանու սիրե՞ս զիս. տրտմեցաւ Պետրոս, զի ասացն ցնա երիցս՝ թէ սիրե՞ս զիս. և ասէ ցնա. տէր՝ դու զամենայն գիտես, և դու իսկ զամենայն Ճանաչես, և եթէ սիրեմ զքեզ. ասէ ցնա Յիսուս՝ արածեա զօջխարս իմ: Ամէն ամէն ասեմ քեզ, զի մինչ մանուկն էիր՝ անձամք անձին գօտի ածէիր, և երթայիր յու և կամէիր. և յորժամ ծերասցիս՝ ձեռս՝ ի վեր կացես, և այլք ածցեն քեզ գօտի, և տարցին՝ ուր ոչն կամիցիս: Զայս ասաց՝ նշանակեալ թէ որով մահու փառաւոր առնիցէ զԱստուած: Եւ զայս իբրև ասաց, ասէ ցնա. Նկ զկնի իմ:

Սարէաւագն: Սուրբ Խաչիւս աղաչեսցուք, և այն:

Քահանայն:

Պահպանեա զժողովուրդս քո Քրիստոս, և այն:

Ժ.Ղ.Հ.-ՌԴՆ: Օրհնեցից զտէր յամենայն ժամ, յամենայն ժամ օրհնութիւն նորա ՚ի բերան իմ:

Եւ Քահանայն խաչակնուեցէ զժողովուրդն, և ասացէ Բարիչը:

Օրհնեալք ՚ի եղերուք ՚ի չնորհաց սուրբ Հոգւոյն, երթայր խաղաղութեամբ, և տէր եղեցի ընդ ձեզ ընդ ամենեսեան. Ամէն:

Եւ Դպիրն ասասցէն զարդման լի:

Ի տէր պարծեսցի անձն իմ, և այն:

Եւ ընդ սաղմուկն բաշխեցի եշխար ժողովրդեանն:

Եւ յաւարտմանն դարձիք քահանայն յարեւես, երկրպագեցէ սուայի սրբոյ սեղանոյն, և ասացէ:

Տէր Աստուած Յիսուս Քրիստոս՝ ողորմեա ինձ:

Եւ մտևալ յաւանդատուն՝ մերկացի ՚ի զգեստոցն:

Եկեալ ասայի սեղանոյն, երկրպագեցէ երիցս, և երրիցէ խաղաղուրեամբ:

ԱԼԵԼՈՒԹԱՅԻ

Աւագայունութեան ճրադալուցին:

Հոգին սուրբ եկեսցէ 'ի քեզ, և զօրութիւն
բարձրելոյն հովանի լիցի 'ի վերայ քո:
Ճն. Պ. Այսօր ծնաւ որ 'ի հօրէ յառաջ քան
զյաւիտեանս որդի. որ է օծեալ տէր 'ի քաղաքի
դաւթի. 'ի վայելութիւն սրբոց քոց յարդանդէ
յառաջ քան զարուսեակ ծնայ զքեզ:

Սպեժանուի:

Է. Հոգւով սրբով զօրացեալ սուրբ Ստեփանոս,
և ընտրեալ յորովայնէ, ճշմարիտ վկայ, սիրող և
առաքեալ առաքելոյն, 'ի Քրիստոսէ ընկալար զը-
ւարթնոյն զպսակն:

Դ. Կարապետն Յովաննէս զարհուրեալ յորո-
վայնէ յորովայն երկրպագէր. սպասաւոր եղել բա-
նին Աստուծոյ. և լուեալ զահաւոր զձայնն աղաղա-
կէր ասելով. ահա գառն Աստուծոյ, որ բառնայ
զմելով աշխարհի:

Ե. Ուրախ լեր բերկրեալդ, տէր ընդ քեզ. օր-
հնեալ ես դու 'ի կանայս և օրհնեալ է պտուղ ո-
րովայնի քո:

Ֆ. Դու մանուկ, մարգարէ բարձրելոյն կոչեսջիր.
գնացես առաջի տեառն՝ պատրաստել զանա-
պարհս նորա:

Ղ. Եհան զիս 'ի գբոյ տառապանաց, 'ի կաւոյ և
'ի տղմոյ:

Ի. Երդուաւ տէր գաւթի ճշմարտութեամբ, և
ոչ ստեաց նմա, 'ի պաղոյ յորովայնէ նորա նստուցա-
նել յաթու նորա:

Ջ. Ուրախ լիցին երկինք, և ցնծասցէ երկիր.
զուարձասցի ծով լիցի իւրով, տիեզերք և ամենայն
բնակեալքն 'ի նմա:

Ռ. Խորիւն Յովաննու էարագեդուն:

Կարապետն Յովաննէս զարհուրեալ և այլն:

Տէառնընդառաջնուն:

Արդ արձակես զձառայս քո տէր ըստ բանի
քում 'ի խաղաղութիւն, զի տեսին աչք իմ զիւր-
կողդ Աստուած:

Ալելուիայս ճաշու յինանց:

Է. Գովեա Երուսաղէմ զտէր, և օրհնեա զԱս-
տուած քո Սիոն:

Ի. Գովեա Երուսաղէմ զտէր, և օրհնեա զԱս-
տուած քո Սիոն:

Դ. Տէր 'ի զօրութեան քում ուրախ եղիցի թա-
գաւորն, 'ի փրկութեան քում ցնծասցէ յայժ:

Ե. Քեզ վայելէ օրհնութիւն Աստուած 'ի Սիոն,
և քեզ տացին աղօթք յԵրուսաղէմ:

Զ. Տէր ովկ կացցէ 'ի խորանի քում, կամ ովկ
բնակեսցի 'ի լեառն սուրբ քո:

Ա. Տէր թագաւորեաց վայելութիւն զգե-
ցաւ, զգեցաւ տէր զօրութիւն ընդ մէջ իւր էած:

Չ. Ցնծացէք առ Աստուած օգնական է մեր,
աղաղակեցէք առ Աստուած յակոբայ:

ԱԼԵԼՈՒՔԻ ԱՅՐ ՃԱՂՆ ՀԱՄԲԱՐԵՔԱՆ :

Համբարձէք իշխանք զդրունս ձեր՝ ի վեր. Համբարձին դրունք յաւիտենից, և մացէ թագաւոր փառաց:

Համբարձաւ Աստուած օրհնութեամբ և տէր մեր ձայնիւ փողոյ:

ԱԼԵԼՈՒՔԻ ԱՅՐ ՃԱՂՆ ՀՈԴԻ ԱՐԵՐ :

Է՛տ. Ողորմութեամբ տեառն լի եղև երկիր. և բանիւ տեառն երկինք հաստատեցան. և հոգւով բերանոյ նորա ամենայն զօրութիւնք նոցա:

Էշ. Զայն տեառն՝ ի վերայ ջուրց. և Աստուած փառաց որոտաց, և տէր ինքն՝ ի վերայ ջուրց բաղմաց:

Էշ. Որպէս իւղ զի իջանէ՝ ի գլուխ և՝ ի մորուսն ահարոնի, և՝ ի մորուսցն իջանէ՝ ի գրապանս զգեստու նորա:

Էշ. Գնացք գետոց ուրախ առնեն զբաղաքն Աստուծոյ, և սուրբ արար զյարիս իւր բարձրեան:

Էշ. Հոգի քո բարի առաջնորդեսցէ ինձ՝ ի յերկիր ուղիղ:

Էշ. Յիշեա տէր զՊաւիթ և զամենայն հեղութիւն նորա:

Մէ. Ամբարձան գետք, Տէր, և ամբարձին գետք զձայնս իւրեանց. և յարիցեն գետք՝ ի գնացս իւրեանց:

ԱԼԵԼՈՒՔԻ ԱՅՐ ՅԱՐՈՒԹԵԱՆ :

Աչ. Պու յարուցեալ գթասցիս՝ ի վերայ Սիովին, ժամանակ գթալց նորա հասեալ է ժամ:

Ա՛. Օրհնեցէք զտէր յօրհնութիւն՝ ի նոր, օրհնութիւն նմա յեկեղեցիս սրբոց:

Էջ. Ծափս հարէք ամենայն հեթանոսք, աղաղակեցէք առ Աստուած իմ՝ ի հրամանո քո, զօրպատիրեցէր, և ժողովք ժողովրդոց շուրջ եղիցին զքեւ, վասն այսորիկ՝ ի բարձունս դարձ տէր:

Էջ. Ուրախ եղև Խորայէլ յարարիչ իւր. որդիք Սիովին յնծասցէն՝ ի թագաւորն իւրեանց:

Էջ. Եկայք և տէսէք զգործս Աստուծոյ, որպէս զի ահեղ են խորհրդովք քան զամենայն որդւոց մարդկան:

Էջ. Հաձեցար տէր ընդ երկիր քո, և դարձուցէր զգերութիւն Յակոբայ:

Էջ. Յարեաւ Աստուած, և ցրուեցան ամենայն թշնամիք նորա. փախեան ատելիք նորա յերեսաց նորա:

ԱԼԵԼՈՒՔԻ ԱՅՐ ՃԱՂՆ ՀԱՐԴԱՀԱՅԻՆ :

Է՛տ. Ամակ լուսաւոր հովանի լինէր նոցա. ձայն եղև յամկոյն որ ասէ. զա է որդի իմ սիրելի ընդ որ հաձեցայ:

Էշ. Բարձրութիւնք լերանց նորա են, նորա է ծով և նա արար գնա, և զցամաք ձեռք նորա ստեղծին. Եկայք երկիրապագցուք նմա, անկցուք և լացցուք առաջի տեառն արաբչն մերոյ:

Էշ. Բու են երկինք և քո է երկիր, զախարհս լրիւ իւրով դու հաստատեցէր. զհիւսիս և զհարաւ դու արարեր. Ծաթօր և հերմնն յանուն քո յնծասցէն:

ԱԼԵԼՈՒՔԻ ԱՅՐ ՃԱՂՆ ՀԵՐԱՔԻՆԻ և ՊԱՊԱՆԱԿԻՆ :

Է՛տ. Արի տէր՝ ի հանդիստ քո, դու և տաղանակի կտակի սրբութեան քոյ:

Էշ. Ուրախ լեր բերկրեալ և այն։
էմ. Այսօր ծնաւ որ 'ի հօրէ, և այն։
Էշ. Ուրախ լցին երկինք, և այն։

Ա. Աւագ ճաշու նաւահարէտոց իւաշի և Եկեղեցոց։

Հշ. Սիրեաց տէր զԱխոնն, և ընտրեաց բնակել
'ի նմա. ասէ՝ այս է հանգիստ իմ յաւիտեանս յա-
ւիտենից, 'ի սմա բնակեցայց, զի հաձեցայ ընդ սա։

Էշ. Տուր զօրութիւն ծառայի քոյ. կեցո զօրդի
աղախնոց քոյ, և արա առ իս նշան բարութեան։

Էշ. Ետուր երկիւղածաց քոց նշան, զի ապրես-
ցին յերեսաց աղեղան։

Էշ. Տէր սիրեցի զլայելքութիւն տան քոյ, և
զտեղի յարկի փառաց քոց։

Էշ. Տէր 'ի տաճար սուրբ իւրում, տէր յերկինս
յաթու իւրում։

Էշ. Որպէս սիրելի են յարկը քո տէր զօրու-
թեանց. ցանկայ և փափաքէ անձն իմ 'ի գաւիթս
քո. սիրտ իմ և մարմին իմ ցնծասցեն առ Աս-
տուած կենդանի։

Էշ. Ետուր երկիւղածաց քոց նշան, զի ապրես-
ցին յերեսաց աղեղան։

Հշ. Որպէս փրկեցան սիրելիք քո, կեցո աջով
քո, և լուր մեզ։

Ա. Աւագ ճաշու աւաւրց պահոց. որդ ասին ըստ հայնից։

աչ. Հոգի քո սուրբ և բարի առաջնորդեսցէ ինձ
'ի յերկիր ուղիղ։

էմ. Վասն անուան քո տէր կեցուսցես զիս. ար-
դարութեամբ քով հանցես 'ի նեղութենէ զանձն
իմ։

աչ. Տէր մի սրտմտութեամբ քով յանդիմաներ
զիս, և մի բարկութեամբ քով լսրատէր զիս։

Էչ. Սիրտ իմ խռովեցաւ իիս, և երկիւղ մահու
անկաւ 'ի վերայ իմ։

Էհ. Դամրձ տէր և փրկեա զանձն իմ, կեցո զիս
տէր ըստ ողորմութեան քում։

Գչ. Վասն անուան քո տէր քաւեա զմեղս իմ՝ զի
բաղում եղեն յոյժ։

Գչ. Ողորմեա ինձ տէր, զի հիւանդ եմ ես.
բժշկեա զանձն իմ՝ զի խռովեցան ոսկելք իմ։

Դչ. Ցիշեա տէր զգթութիւնս քո և զղորմու-
թիւնս քո, որք են յաւիտենից։

Դհ. Տէր ողորմութիւն քո յաւիտեան, զգործս
ձեռաց քոց մի անտես առներ։

Ա. Աւագ շաբաթառահոց։

Էշ. Եկայք ցնծասցուք 'ի տէր, աղաղակեսցուք
առ Աստուած փրկիչ մեր։

Էշ. Երգեցէք տեառն երգ նոր, երգեցէք տեառն
ամենայն երկիր, երգեցէք տեառն և բարձր արա-
րէք զանուն նորա։

Էշ. Բարձր արարից զընտրեան 'ի ժողովրդենէ
իմմէ. գտի զիաւիթ ծառայ իմ և իւզավ սրբով
իմով օծի զնա։

Ա. Աւագ աշուց հերաէէց։

Աղաղակեցէք առ տէր ամենայն երկիր, ծառա-
յեցէք տեառն ուրախութեամբ։

Մտէք առաջի նորա ցնծութեամբ, ծաներուք
զի նա է տէր Աստուած մեր։

Ա. Աւագ ճաշու մարտիրոսաց։

աչ. Տէր սիրէ զիրաւունս, և ոչ ընդ վայր հար-
կանէ զսուրբս իւր, այլ յաւիտեանս պահէ զնոսա։

կմ. Փրկութիւն արդարոց 'ի տեառնէ է. վերա-
կացու է նոցա 'ի ժամանակս նեղութեան:

աէ. Պարծեսցին սուբբքն փառօք, և յնծասցեն
'ի հանգիստ իւրեանց, և բարձր արասցեն զԱս-
տուած բերանօք իւրեանց:

կմ. Լոյս ծագեաց արդարոց, ուղղոց սրտից եղե-
ռախութիւն:

բէ. Պարծեսցին սուբբքն փառօք, և յնծասցեն 'ի
հանգիստ իւրեանց, և բարձր արասցեն զԱստուած
բերանօք իւրեանց:

բէ. Կարդացին արդարքն առ տէր, և տէր լուաւ
նոցա. յամենայն նեղութենէ նոցա փրկեաց զնոսա:

գէ. Վասն քո մեռանիմք զօրհանապազ, համա-
րեցաք որպէս զուշաբ 'ի զենումն:

գէ. Ուրախ լիցին ամենեքեան՝ որը յուսացեալ
են 'ի քեզ, յաւիտեան յնծասցեն և բնակեսցիս
դու 'ի նոսա:

դէ. Արդարքն որպէս զարմաւենիս ծաղկեսցին,
որպէս զմայրմն լիբանանու բազումք եղլիցին:

դէ. Բազում նեղութիւնք են արդարոց, յամե-
նայնէ փրկէ զնոսա տէր, և պահէ զամենայն ոս-
կերս նոցա, և մի 'ի նոցանէ ոչ կորիցէ:

Ա.Էլուիայք ճաշու հրեշտակապետաց:

Ողորմութեամք տեառն լի եղե երկիր, և բանիւ
տեառն երկինք հաստատեցան, և հօգւով բերա-
նոյ նորա ամենայն զօրութիւնք նոցա:

Համօքն Տարգարէից:

Յեկեղեցիս օրհնեցէք զԱստուած և զտէր յաշ-
բերացն խրայէլ:

Դաւթի և Յակովայ:

Նրդուաւ տէր Դաւթի Ճշմարտութեամք, և ոչ
ստեաց նմա, 'ի պտղոյ որովայնէ նորա նստուցա-
նելյաթոռ նորա:

Ա.Էնայն առաջելոյ:

Կացուսցես զնոսա իշխանս ընդ ամենայն երկիր,
և յիշեսցի անուն քո ընդ ամենայն ազգս ազգաց:
Ծնդ ամենայն երկիր ել բարբառ նոցա, և մինչեւ
'ի ծագս աշխարհի են խօսք նոցա:

Կախահարցն:

Պատմէ զբան իւր Յակովայ, զարդարութիւն և
զիրաւունս Խրայէլ:

Գ.ՌԵՒՐԻ լուսաւորչէն:

Համբերելով համբերի տեառն, և նայեցաւ առ
իս, և լուաւ ազօթից իմոց:

Հայրապետաց և Հարգապետաց:

Քահանայք քո զգեցցին զարդարութիւն, և
սուրբք քո յնծալավ յնծասցեն:

Ճինաւորաց:

Երանելի են որը բնակեալ են 'ի տան տեառն,
յաւիտեանս յաւիտենից օրհնեցեն զքեզ:

Առասնաց :

Կացցէ դշխոյ ընդ աջմէ քումմէ, 'ի հանդերձս
ոսկեհուսս զարդարեալ և պաճուճ'եալ:

Տարցին թագաւորի կուսանք զհետ նորա և զըն.
կերս նորա տարցին նմա:

Թագաւորաց :


Տէր 'ի զօրութեան քում ուրախ եղիցի թագաւորն,
'ի փրկութեան քում ցնծասցէ յոյժ:

Քառասնիցն, և Երիսց բերուց :

Անցաք մեք ընդ հուր և ընդ ջուր, և հաներ զմեզ
'ի հանդիստ:

Մէծի հինգշաբենի :

Պատրաստ արարեր առաջի իմսեղան՝ ակնյան-
դիմնն նեղաց իմոց:



-120.000-

ՀՀ Ազգային գրադարան



NL2059083 111

ՀՀ Ազգային գրադարան



NL2059082 111

ՀՀ Ազգային գրադարան



NL2059081 111

II

21848

II

21849

II

21850

